

Emirembe Omusanvu Egy'Ekkansia

Essuula Esooka

Okubikkulirwa Kwa Yesu Kristo

Okubikkulirwa 1:1-20

1. Okubikkulirwa kwa Yesu Kristo Katonda kwe Yamuwa okulaga abaddu Be ebigwanira okubaawo amangu: n'Abuulirira mu malayika We ng'Amutuma eri omuddu We Yokaana.

2. Eyategeeza Ekigambo kya Katonda n'okutegeeza kwa Yesu Kristo, byon- na bye yalaba.

3. Alina omukisa oyo asoma, n'abo abawulira ebigambo by'obunnabbi buno, era n'abakwata ebiwandiiikkidwa mu bwo: kubanga ekiseera kiri kumpi.

4. Yokaana eri ekkanisa omusanvu ez'omu Asiya: ekisa kibeerenga nam- mwe n'emirembe ebiva eri Oyo Abaawo; era Eyabaawo era Ajja okubaawo; era ebiva eri emyoyo omusanvu egiri mu maaso g'entebe Ye.

5. Era ebiva eri Yesu Kristo, Omujulirwa Omwesigwa, Omubereberye w'Abafu, era Afuga Bakabaka b'omu nsi. Atwagala, era Eyatusumulula mu bibi byaffe olw'omusaayi Gwe.

6. N'Atufuula obwakabaka, bakabona eri Katonda Kitaawe; ekitiibwa n'obuyinza bibeerenga eri oyo emirembe n'emirembe. Amiina.

7. Laba Ajja n'ebire era buli liiso lirimulaba, n'abo abaamufumita; n'ebika byonna eby'omu nsi birimukubira ebiwoobe. Weewaawo, Amiina.

8. Nze ndi Alufa ne Omega, bw'Ayogera Mukama Katonda, Abaawo era Eyabaawo era Ajja Okubaawo, Omuyinza w'ebintu byonna.

9. Nze Yokaana muganda wammwe era assa ekimu mu kubonaabona ne mu bwakabaka ne mu kugumiikiriza ebiri mu Yesu, nnali ku kizinga Patumo, olw'Ekigambo kya Katonda era n'olwokutegeeza kwa Yesu.

10. Nnali mu Mwoyo ku lunaku Iwa Mukama ne mpulira ennyuma wange eddoboobi ddene ng'ery'akagombe;

11. Nga koogera nti ky'olaba wandiika mu kitabo okiweereze ekkanisa omu- sanvu; eri Efeso, n'eri Sumuna, n'eri Perugamo, n'eri Suwatira, n'eri Saadi, n'eri Firaderufiya n'eri Lawodikiya.

12. Ne nkyuka okulaba eddoboobi eryogera nange. Bwe nnakyuka ne ndaba ettabaaza musanvu eza zaabu.

13. Ne wakati w'ettabaaza ne ndaba afaanana ng'Omwana w'Omuntu, ng'Ayambadde okutuuka ku bigere, era ng'Asibiddwa mu kifuba olukoba olwa zaabu.

14. N'omutwe Gwe n'enviiri Ze nga zitukula ng'ebyoya by'endiga ebitu- kula ng'omuzira; n'amaaso Ge ng'ennimi z'omuliro.

15. N'ebigere Bye nga bifaanana ng'ekikomo ekizigule, ng'ekirongoosebbwa mu muliro; n'eddoboobi Lye nga liringa eddoboobi ly'amazzi amangi.

16. Era ng'akutte mu mukono Gwe ogwa ddyo emmunyeenyne musanvu; ne mu kamwa Ke ne muvaamu ekitala ekisala eky'obwogi obubiri; n'obwenyi Bwe nga bulinga enjuba bw'eyaka mu maanyi gaayo.

17. Bwe nnamulaba ne ngwa ku bigere ng'afudde. N'Anteekako omu- kono Gwe ogwa ddyo, ng'Ayogera nti totya; nze ow'olubereberye era ow'enkomero.

18. Era Omulamu; era Nnali Nfudde, era, laba, Ndi mulamu emirembe n'emirembe, era Nnina ebisumulizo eby'okufa n'Eby'emagombe.

19. Kale wandiika by'olabye, n'ebiriwo, n'ebigenda okubaawo oluvan- nyuma lw'ebyo.

20. Ekyama ky'emmunyeenyne omusanvu z'olabye mu mukono Gwange ogwa ddyo n'ettabaaza omusanvu eza zaabu. Emmunyeenyne omusanvu be ba- malayika b'ekkanisa omusanvu: n'ettabaaza omusanvu z'ekkanisa omusanvu.

Ennyanjula Ku Ssuula Esooka

Okubikkulirwa 1:1-3,

"Okubikkulirwa kwa Yesu Kristo Katonda kwe Yamuwa okulaga abaddu Be ebigwanira okubaawo amangu: n'abuulirira mu malayika We ng'Amutuma eri omuddu We Yokaana. Eyategeeza Ekigambo kya Katonda, n'okutegeeza kwa Yesu Kristo, byonna bye yalaba. Alina omukisa oyo asoma, n'abo abawulira ebigambo by'obunnabbi buno, era n'abakwata ebiwandiikiddwa mu bwo: kubanga ekiseera kiri kumpi."

Omuwandiisi (si nnannyini) w'ekitabo kino ye Yokaana omutukuvu. Bannabyafaayo bakkiriza nti obulamu bwe obwasembayo yali mu Efeso, wadde we yawandiikira ekitabo kino yali ku kizinga Patumo. Si byafaayo bya bulamu bwa Yokaana, wabula kwe Kubikkulirwa kwa Yesu Kristo mu mirembe gy'ekkanisa egy'omu maaso. Mu lunyiriri olwokusatu kiyitibwa bunnabbi era ddala bwe kityo bwe kiri.

Ekitabo kino kitera okuyitibwa Okubikkulirwa kwa Yokaana Omutukuvu, naye ekkyo kikyamu. Kubikkulirwa kwa Yesu Kristo okwaweebwa Yokaana ku Iw'Abakulisitaayo ab'emirembe gyonna.

Ky'ekitabo kyokka mu Bayibuli yonna ekyawandiikibwa Yesu Yennyini, nga Ye Yennyini Alabikira omuwandiisi. Ky'ekitabo ekisembayo mu Bayibuli, so nga kyogera ku ntandikwa n'enkomerero y'entegeeka ya Katonda ey'Enjiri.

Kati ekigambo ky'Oluyonaani ekikozesebwa ku kubikkulirwa kiyitibwa "apocalypse" ekitegeeza "okubikkulako". Okubikkula kuno kunnyonnyolwa bulungi n'eky'okulabirako ky'omwozi w'ebifaananyi (sculptor) ng'abikkula ku mulimu gwe egw'ebyle, okubyleka eri abalabi. Kwe kusaanukula, okubikkula ekkyo ekibadde kikwekeddu. Kati okubikkulwa kuno si kwe kubikkulwa kw'Obwa-Kristo kwokka, naye kwe KUBIKKULWA KW'EMIRIMU GYE EGY'OMU MAASO MU MIREMBE OMUSANVU EGY'EKKANISA EGIJJA.

Obukulu bw'okubikkulirwa nga kukolebwa Omwoyo eri omukkiriza omutuufu tekubaako kocomo. Okubikkulirwa kulina amakulu mangi gy'oli mpozzi okusinga bw'okiraba. Kaakano soogera ku ggwe ne ku Kitabo kino eky'Okubikkulirwa. Njogera ku kubikkulirwa KWONNA. Kw'amakulu may- itirivu eri ekkanisa. Ojjukira mu Matayo 16 Yesu we Yabuuliza abayigirizwa ekibuuzo kino,

"Omwana w'Omuntu abantu bamuyita batya?

Ne bagamba nti Abalala bamuyita Yokaana Omubatiza; abalala nti Eriya; abalala nti Yer- emiya, oba omu ku bannabbi.

N'Abagamba nti naye mmwe mumpita mutya?

Simooni Peetero n'addamu n'agamba nti Ggwe Kristo, Omwana wa Katonda omulamu.

Yesu n'Addamu n'Agamba nti olina Omukisa, Simooni Ba-Yona; kubanga omubiri n'omusaayi tebyakubikkulira ekkyo, wabula Kitange Ali mu ggulu.

Nange nkugamba nti Ggwe Peetero, Nange Ndizimba ekkanisa Yange ku Iwazi luno: so n'emiryango egypt'Emagombe tegirigiyinza."

Abakatoliki Aba- ruumi bagamba nti ekkanisa yazimbibwa ku Peetero. Naye ddala ekkyo kya mu- biri. Katonda Yandiyinzizza Atya okuzimba ekkanisa ku muntu asagaasagana n'okutuuka okwegaana Mukama Yesu era n'akolima n'okukolima ng'akikola? Katonda Tayinza kuzimba kkanisa Ye ku muntu yenna azaalibwa mu kibi. Era Kristo terwali Iwazi olwali awo nga kiringa agamba nti Katonda Yali Atukuzza et-taka mu kifo ekkyo. Era tekiri ng'Abapulotesitanti bwe bagamba, nti ekkanisa ezimbiddwa ku Yesu. Kwali OKUBIKKULIRWA. Kisome nga bwe kiwandi- ikiddwa: "Omubiri n'Omusaayi TEBYAKUBIKKULIDDE, ekkyo, WABULA KITANGE Y'AKIKUBIKKULIDDE, era KU LWAZI KUNO (OKUBIKKU- LIRWA) NDIZIMBA EKKANISA YANGE:" Ekkansa ezimbiddwa ku Kubik- kulirwa, ku "Bw'Atyo Bw'Ayogera Mukama".

Abiri yamanya atya eky'okukola alyoke aweeyo ssaddaaka entuufu eri Katonda? Okuyita mu kukkiriza yafuna okubikkulirwa okw'omusaayi. Kayini teyafuna kubikkulirwa ng'okwo (wadde yalina ekiragi) kale teyasobola kuwaayo saddaaka ntuuufu. Kwali kubikkulirwa okuva eri Katonda okwakola enjawulo ne kuwa Abiri obulamu obutaggwaawo. Kati oyinza okutwala omusumba ky'agamba, oba seminariyo ky'eyigiriza, wadde nga kikuyigiriziba n'obukujukuju bw'ebigambo, okutuusa Katonda Iw'Akikubikkulira nti Yesu ye Kristo, era nti omusaayi gwe gukunaaza, era nti Katonda Ye Mulokozi wo, togenda kuba na bulamu butaggwaawo. Okubikkulirwa okw'omu Mwoyo kwe kubikola.

Kati nngambye nti Ekitabo kino eky'Okubikkulirwa kwe kubikkulirwa kwa Yesu ne by'Akola mu makanisa mu mirembe ego omusanvu. Kubikkulirwa Iwa kubanga abatume, bo bennyini, tebaamanya mazima gano agaawandiikibwa. Gaali tegannabikkulwa gye bali. Ojjukira nti bajja eri Yesu mu Kitabo ky'Ebkolwa ne bamubuuza, "Mu biro bino mw'onookomezaawo obwakabaka eri Isiraeri?" N'Addamu, "Si kwammwe okumanya entuuko newankubadde ebiro:" Abasajja abo baali bakyalowoozea Yesu okubeera n'obwakabaka obw'oku nsi. Naye bwali bwakabaka bwa mwoyo bwe Yali Agenda okuzimba. Wadde Yali

Tayinza na kubabuulira na kifo Kye mu bwo, kubanga Kitaffe Yali tannakimubikkulira. Naye kati oluvannyuma Iw'okufa n'okuzuukira Kwe, era mu kiseera kino kyennyini mu buweereza bwe obw'okutabaganya, Asobola kati okulaga wano mu kubikkulirwa okumukwatako eri Yokaana ekitiibwa Kye n'okuberaawo Kwe mu kkanisa kye kutegeeza era kye kukola.

Mu kubikkulirwa kuno Atubuulira enkomerero ya Setaani bw'eri. Atubuulira engeri gy'Alikolamu Setaani era n'okumusuula mu nnyanja ey'omuliro. Abikkula enkomerero y'ababi abagoberera Setaani. Era Setaani ekyo akikyawa.

Wali otegedde nti Setaani kyawa ebitabo ebibiri ebya Bayibuli okusinga ebirala byonna? Bulijjo alumba Ekitabo ky'Olubereberye n'eky'Okubikkulirwa ng'ayita mu bannaddiini abayigiriza enjiri nga bagonzaamu n'abeeeyita bannasaayansi. Mu bitabo bino byombi tusangamu entandikwa ya Setaani, amakubo ge amabi n'okuzikirizibwa kwe. Eyo y'ensonga Iwaki abirumba. Akyawa okuwemuukirizibwa, era mu bitabo ebyo alagibwa ddala kiki ky'ali. Yesu Yayogera ku Setaani, "Talina mugabo gye Ndi Nange Sirina mugabo gy'ali." Setaani ayagala okwoleka nti ekkyo si bwe kiri; naye tasobola, kale akola kyonna ky'asobola okuzikiriza obwesigwa mu Kigambo. Naye ekkanisa bw'etakkiriza Setaani n'ekkiriza okubikkulirwa okw'Ekgambo nga kuyita mu Mwoyo, emiryango gy'emagombe tegisobola kugiwangula.

Oba tekibakosa, ka mbaweko ku bujulizi okuva mu buweereza bwange. Mwenna mukimanyi nti ekirabo kino mu bulamu bwange kyamagero. Ky'ekirabo Omwoyo Omutukuvu mw'Asobolera okutegeera endwadde n'ebirowoozo by'omu mitima gy'abantu, n'ebintu ebirala ebikwekedwa Katonda Yekka by'Asobola okumanya olwo n'Abimbikkulira. Nandyagadde singa kisoboka muyimirire nange mulabe amaaso g'abantu Setaani bw'aba ng'agenda okuwemuukirizibwa. Kati abantu si be njogerako. Kiri nti Setaani anywezezza obulamu bwabwe ng'ayita mu kibi, mu bulagajjavu n'endwadde. Naye mwandirabye amaaso gaabwe. Setaani amanyi nti agenda kuwemuukirizibwa, era enkyukakyuka ezisingayo okuba ez'ekitalo zija ku maaso g'abantu. Setaani atidde. Amanyi nti Omwoyo wa Katonda Anaatera okumanyisa abantu emirimu Gye. Eyo y'ensonga Iwaki akyayira ddala enkungaana zino. Amannya bwe gayitibwa n'endwadde ne zibikkulwa, Setaani akikyawa. Kaakati kino kiki? Si kusoma birowoozo by'abantu, wadde eddogo. KUBIKKULIRWA nga kukolebwa Omwoyo Omutukuvu. Eyo y'engeri yokka gye nsobola okumanyaamu. Kwo okuba omuntu ow'omubiri ajja kukiyitamu ekintu ekirala kyonna nti si Mwoyo Omutukuvu.

Ka mbalage ensonga endala Iwaki Setaani akyawa ekitabo kino eky'Okubikkulirwa kwa Yesu Kristo mu kkanisa. Amanyi nti Yesu Kristo y'Omwoyo jjo, ne leero, n'emirembe gyonna, era Takyuka. Ekyo akimanyidde ddala okusinga kyenda ku kikumi eky'abaasomerera eby'eddiini. Amanyi nti okuva Katonda Iw'Atakyukakyuka mu mbeera Ye, olwo mu ngeri y'emu Takyukakyuka mu nkola Ze. Kale Setaani amanyidde ddala nti ekkanisa eyasooka ku lunaku Iwa Pentekoote n'amaanyi ga Katonda (Makko 16 mu bikolwa) y'Ekkanisa Entuufu Yesu gy'Abala okuba nga y'eyiye. Endala zonna nkyamu. Bwe kiteekwa okuba.

Kaakati jjukira kino. Kristo mu Kkanisa Entuufu kwe kugenda mu maaso okw'Ekitabo ky'Ebkolwa. Naye Ekitabo ky'Okubikkulirwa kiraga ng'omwoyo omulabe wa Kristo bw'alijja mu kkanisa n'agyonoona, agifuule ey'ekibuguumirize, ey'emikolo obukolo etalina maanyi. Kiwemuukiriza Setaani, nga kiraga emirimu gye (okugezaako okuzikiriza abantu ba Katonda, n'okuggyamu obwesige mu Kigambo kya Katonda) okutuusiza ddala ku kiseera ng'asuulibwa mu nnyanja ey'omuliro. Ekyo akirwanyisa. Tayinza kugumira. Amanyi nti singa abantu bafuna OKUBIKKULIRWA OKUTUUUFU okw'EKKANISA ENTUUFU, era n'ekyo ky'eri, ky'eyimiriridde, era nti EYINZA OKUKOLA EMIRIMU EGY'EKITALO, ejja kuba egghe eritawangulwa. Singa bafuna okubikkulirwa kwennyini okw'emyoyo ebiri egiri mu kuzimbibwa kw'ekkanisa Enkulisiaayo era n'Omwoyo wa Katonda ne baawula era ne baziyyiza omwoyo gw'omulabe wa Kristo, Setaani ajja kuggwaamu amaanyi mu maaso ge. Ajja kuba nga ddala ataayiziddwa leero nga Kristo bwe yaziyiza okufuba kwe kwonna okumuwangula mu ddungu. Ddala, Setaani akyawa okubikkulirwa. Naye ffe tukwagala. Nga tulina okubikkulirwa okutuufu mu bulamu bwaffe, emiryango gy'emagombe tegiyinza kutuwangula naye ffe tujja kugiwangula.

Munajjukira nga ku ntandikwa y'obubaka buno nnagambye nti Ekitabo kino kye tuyigako kwe kubikkulirwa kwennyini okwa Yesu, Mwene, mu kkanisa n'omulimu gwe mu mirembe ey'omu maaso. Era nnagambye nti kyetaagisa Omwoyo Omutukuvu okutuwa okubikkulirwa oba si ekkyo tetujja kukufuna. Bw'oteeka ebirowoozo bino ebibiri awamu ojja kulaba nga tekijja kwetaagisa kuyiga buyizi okwa bulijjo n'okulowooza, okufuula Ekitabo kino ekyannamaddala. Kijja kwetaagisa okukola okw'Omwoyo Omutukuvu. Ekyo kitegeeza nti Ekitabo kino tekijinza kubikkulirwa muntu yenna okuggyako eri ekibiina ky'abantu eky'enjawulo. Kijja kwetaagisa oyo alina okutegeera kw'obunnabbi. Kijja kwetaagisa obusobozi okuwulira okuva ewa Katonda. Kijja kwetaagisa okulagirirwa kwa Katonda, so si muyizi okugeraageranya olunyiriri ku lunyiriri, newankubadde kirungi. Naye ekkyama kyetaagisa okuyigirizibwa okw'Omwoyo bwe kitaba bwe kityo tekitegeerekeka. So nga twetaaga okuwulira okuva eri Katonda n'okweteeka mu maaso Ge, n'okwewaayo eri Omwoyo okuwulira n'okumanya.

Nga bwe nnagambye edda, Ekitabo kino (Okubikkulirwa) y'entikko y'Ebyawandiikibwa. Era kyateekebwa ddala ku ntikko y'Ebyawandiikibwa; ku nkomerero. Kati osobola okumanya Iwaki kigamba nti

buli omu akisoma oba akiwulira wa mukisa. Okubikkulirwa kwa Katonda kwe kujja okukuwa obuyinza ku Setaani. Era osobola okulaba Iwaki abo abongerako oba abatoolako ku kyo ba kukolimirwa. Kiteekwa okuba bwe kityo kubanga ani ayinza okugatta oba okutoolako ku kubikkulirwa kwa Katonda okutuukiridde n'awangula omulabe? Bwe kityo bwe kiri ekyangu. Tewali kintu kirina maanyi ng'okubikkulirwa kw'Ekigambo. Laba, mu lunyiriri olwokusatu omukisa gulangiriddwa ku abo abafaayo ennyo ku Kitabo kino. Ndowooza kino kikwatagana n'akalombolombo k'Endagaano Enkadde bakabona bwe baasomanga Ekigambo eri ekibiina ku makya. Mulaba, bangi tebaasabolanga kusoma, kabona yalinanga okubasomera. Kasita kyabanga Ekigambo, omukisa gwabeerangawo. Si nsonga oba kyasomebwanga busomebwa oba kyawulirwanga buwulirwa.

"Ekiseera kituuse." Emabegako ekiseera kyali tekinnatuuka. Mu magezi ne mu mbalirira ya Katonda okubikkulirwa kuno okw'amaanyi (wadde Katonda Yakumanya kwonna) kwali tekuyinza kujja okutuusa ekiseera kino. Kale tuyigirawo enkola — okubikkulirwa kwa Katonda eri buli mulembe kujjira mu mulembe ogwo gwokka, era mu kiseera eky'enjawulo. Laba ebyafaayo bya Israeri. Okubikkulirwa kwa Katonda eri Musa kwajjira mu kiseera kyokka ekituufu, ate n'okusingira ddala kwajjira mu kiseera abantu we baakaabirira Katonda. Yesu, Mwene, Yajjira mu ntuuko z'ebiseera, nga Ye, Mwene kwe Kubikkulirwa okujjuvu okw'Obulamba bwa Katonda. Era mu mulembe guno (Lawodikiya) okubikkulirwa kwa Katonda kujja kujjira mu ntuuko zaakwo. Tekujja kukyukako, wadde okujja ng'ekiseera kyakwo tekunnaba. Kino kirowoozeeko era okiteekoko bulungi omwoyo, kubanga leero tuli mu biro bya nkomerero.

Okulamusia

Okubikkulirwa 1:4-6,

"Yokaana eri ekkanisa omusanvu ez'omu Asiya: ekisa kibeerenga nammwe n'emirembe ebiva eri Oyo Abaawo era Eyabaawo era Ajja okubaawo;

era ebiva eri emyoyo omusanvu egiri mu maaso g'entebe Ye; era ebiva eri Yesu Kristo, Omujulirwa Omwesigwa, Omubereberye w'Abafu, era Afuga Bakabaka b'omu nsi. Atwagala, era Eyatusumulula mu bibi byaffe olw'omusaayi Gwe;

n'Atufuula obwakabaka bakabona eri Katonda Kitaawe; ekitiibwa n'obuyinza bibeerenga eri Oyo emirembe n'emirembe. Amiina."

Ekigambo Asiya, ddala, kiri ka Asiya Akatono. Katundu katono akenkanankana n'essaza Indiana. Amakanisa omusanvu gaalondebwa okuva mu makanisa amalala olw'ebikolwa byago, ng'ebikolwa ebyo bye bimu byali bigenda kusangibwa mu mirembe egiddirinngana mu byasa eby'omu maaso.

Emyoyo omusanvu mu maaso g'entebe gwe Mwoyo ogwali mu buli omu ku babaka omusanvu, nga gubawa obuweereza bwabwe cri omulembe buli omu gwe yalimu.

Kati enjogera zino zonna 'Oyo Aliwo', ne 'Oyo Eyaliwo', era 'Ow'okujja', 'Omujulirwa Omwesigwa', 'Omubereberye okuva mu Bafu', 'Omulan-gira wa Bakabaka b'oku Nsi', era 'Alufa ne Omega', ne 'Ayinza Byon-na', mitwe oba bitiibwa ebinnyonnyola ku MUNTU OYO OMU, nga ye Mukama Yesu Kristo, Eyatunaazaako ebibi byaffe mu musaayi Gwe.

Omwovo wa Katonda mu Yokaana bw'Atyo bw'Annyonnyola okusobola okulaga obwa Katonda obw'oku Ntikko obwa Yesu Kristo n'okubikkula Obulamba bwa Katonda nga Katonda OMU. Ennaku zino waliwo ensobi ey'amaanyi. Eri nti ba Katonda bali basatu so si omu. Okubikkulirwa kuno nga Yesu Kristo Yennyini bwe Yakuwa Yokaana, kugolola ensobi eyo. Tekiri nti Katonda bali basatu wabula Katonda omu ne woofiisi ssatu. Waliwo Ka-tonda OMU n'ebitiibwa oba emitwe esatu, Kitaffe, Omwana, n'Omwovo Omu-tukuvu. Okubikkulirwa kuno okw'ekitalo ekkanisa eyasooka kwe yalina era kuteekwa okuzzibwawo leero awamu n'enjeri entuufu ey'okubatiza mu mazzi.

Kati abayizi ab'ennaku zino abasomerera eby'eddiini tebajja kukkiriziganya nange kubanga kyawandiikibwa kityo mu katabo k'Ezikulistaayo ak'ekitalo. "Enjigiriza eyo (eyoobusatu) eri ddala ku mutima era omulamwa ogw'Endagaano Enkadde. Endagaano Empya ewakanyizibwa mu ngeri y'emu ddala ng'Endagaano Enkadde mu kulowooza nti Katonda Tali omu Yekka. Ate ng'Endagaano Empya n'obutangaavu bwe bumu eyigiriza nti Kitaffe ye Katonda, n'Omwana ye Katonda era n'Omwovo Omutukuvu ye Katonda nti era abasatu bano si bitundu bya njawulo eby'omuntu omu, wabula abantu (abaperesona) abasatu abayimiridde nga bakolaganira wamu. Awo we tubeerera n'enjigiriza ey'ekitalo ey'Abaperesona Abasatu naye Katonda omu."

Bongera ne bagamba, "Katonda, okusinziira ku Bayibuli, si muntu omu, wabula abantu abasatu bali mu Katonda omu. Ekyo ky'ekyama kya Tirinita eky'ekitalo."

Ddala bwe kiri. Abantu abasatu basobola batya okuba mu Katonda omu? Ng'oggyeeko obutaba na Bayibuli ekiwigira, kiraga n'obutaba n'amagezi ku kukubaganya birowoozo. Abantu bano abasatu abeetongodde, wadde balimu ekintu kimu, baba bakola bakatonda basatu, si ekyo olulimi luba

luggweereddemu ddala amakulu.

Ddamu nate owulirize ebigambo bino, "Nze Alufa era Omega ow'Olubereberye era ow'enkomerero, bw'Ayogera Mukama Abaawo, era Eyabaawo, era Ajja okubaawo, Omuyinza w'ebuntu byonna." Ono ye Katonda. Ono si nnabbi bunabbi omuntu. Ono Katonda. Era si kubikkulirwa kwa ba Katonda abasatu, wabula Katonda OMU Omuyinza w'ebuntu byonna.

Ku ntandikwa y'ekkanisa tebakkiririzanga mu ba Katonda basatu. Toyinza kusanga nzikiriza efaanana bw'etyo mu batume. Kyajjavo luvannyuma Iw'emirembe gy'abatume endowooza eno n'ereeta empaka era n'efuuka enjigiriza enkulu mu Lukiko Iwe Nikyeya, (Nicene Council). Era Enjigiriza y'Obulamba bwa Katonda yaleeta okuyulikamu ebitundu bibiri e Nikyeya. Era okuva mu kukutukamu okwo enjuuyi zombi zaayawukanira ddala. Olumu Iwagendera ddala mu kusinza bakatonda abangi, nga lukkiririza mu bakatonda basatu, ate abalala nti Katonda Ali omu. Weewaawo ekyo kyamala akabanga okujja naye kyajja era leero tukirina. Naye Okubikkulirwa Omwoyo kwe Yayisa mu Yokaana eri amakanisa kwali, "Nze Mukama Yesu Kristo era Nze BYONNA. Tewali Katonda mulala." Era Okubikkulirwa kuno yakusibako envumbo.

Kino kirowoozeeko: Ani yali Kitaawe wa Yesu? Mat 1:18 kigamba "Yasangibwa n'omwana ow'Omwoyo Omutukuvu." Naye Ye Yesu Yagamba nti Katonda Ye Yali Kitaawe. Katonda Kitaffe ne Katonda Omwoyo Omutukuw nga bwe twogera bulijjo, kifuula Kitaffe n'Omwoyo okuba nti bali OMU. Ddala bwe bali, bwe kitaba bwe kityo Yesu Yalina ba Kitaabe babiri. Naye tegeera nti Yesu Yagamba nti Ye ne Kitaawe bali Omu—si babiri. Ekyo kiraga Katonda OMU.

Kino okuva bwe kiri ekituufu okusinziira mu Byafaayo n'Ebyawandiikibwa, abantu beewuunya wa abasatu gye baava. Yafuuka omusingi gw'enjigiriza mu Lukiko Iwe Nikyeya mu mwaka 325 oluvannyuma Iw'okujja kwa Yesu. Tirinita (ekigambo ekitasangibwako na mu Byawandiikibwa) kyazimbibwa ku bakatonda ba Roma abangi. Abaruumi baalina bakatonda bangi be baasabanga. Ate era baasabanga nga bayita ne mu bajajjaabwe ng'abatabaganya. Lyali ddaala lya kutuuma bakatonda abakadde amannya amapya, kwe kuba n'abatukuvu kyongere okulabika nga kyefaaanaanyiriza ku bya Bayibuli. Kale mu kifo kya Jupiter, Venice, Mars n'amalala tulina Pawulo, Peetero, Fatima, Christopher n'amalala. Eddiini yaabwe ey'ekikaafiiri yali tesobola kukola ng'erina Katonda omu, kwe kumwawulamu ebitundu bisatu abatukuvu ne babafuula abawolereza nga bwe baakola bajajjaabwe.

Okuvira ddala ku olwo abantu baalemwa okutegeera nti waliwo Katonda Omu bumu ng'alina ziwoofisi ssatu oba okweyleka kwa ngeri ssatu. Bam- anyi nti waliwo Katonda Omu okusinziira ku Byawandiikibwa naye bagezaako okukifulla ekintu ekitategeerekeka nti Katonda Alinga ekirimba ky'ebibala; abaperesona basatu n'obutukuvu bwe bumu nga babugabanira wamu kyen- anyi. Naye wano mu Kubikkulirwa kyogera butereevu nti Yesu "Ye Oyo Aliwo," "Oyo Eyabaawo," era "Oyo Ajja okubaawo." "Ye Alufa ne Omega," ekitgeeeza nti ye "A okutuuka ku Z" oba BYONNA. Ye byonna - Ayinza byonna. Ye kye kimuli kya Looza, Eddanga ly'omu kiwonvu, Emmunyeeny'e y'oku Nkyo Emasamasa, Ettabi Ettuukirivu, Kitaffe, Mwana n'Omwoyo Omutukuvu. Ye Katonda, Katonda Ayinza byonna. KATONDA OMU.

1 Tim. 3:16 kigamba, "Era awatali kubuuusabuusa ekyama ky'okutya Katonda kye kikulu: Katonda Yalabisibwa mu mubiri, n'Aweebwa obutuukirivu mu mwoyo, n'Alabibwa ba malayika, n'Abuulirwa mu mawanga, ab'omu nsi ne bamukkirizaamu n'Atwalibwa mu Kitiibwa". Bayibuli kino ky'eyogera. Wano terina ky'egamba ku muntu asooka owookubiri oba owookusatu. Katonda Omu. KATONDA Oyo OMU Yalabisibwa mu mubiri. Ekyo kyandibadde kimalawo empaka. Katonda Yajja mu kikula eky'omuntu. Ekyo tekyamufuula KATONDA MULALA. YALI KATONDA, KATONDA OMU. Mu kiseera ekyo kwali kubikkulirwa, era ne kaakano kubikkulirwa. Katonda Omu.

Leka tuddeyo mu Bayibuli tulabe kiki kye yali ku ntandikwa okusinziira ku kubikkulirwa kwe Yawa nga kumwogerako. Yakuwa Ow'ekitalo Yalabikira Israeri mu mpagi y'omuliro. Nga malayika ow'Endagaano, Yabeeranga mu mpagi y'omuliro n'Akulembira Israeri buli lunaku. Ku yeekaalu yalanga okujja Kwe n'ekire eky'ekitalo. Olunaku lumu n'Ayolesebwa mu mubiri ogutamanyi musajja ogwamutegekebwa. Katonda Oyo Eyasula waggulu w'ensiisira za Israeri kaakano Yayambala omubiri n'Abeera ng'omuntu mu bantu. Naye yali KATONDA Y'OMU.

Bayibuli eyigiriza nti KATONDA YALI MU KRISTO. OMUBIRI gwali Yesu. Mu Ye mwe mwatuula obujjuvu bwa Katonda bwonna ng'OMUBIRI bwe guli. Tewali kiyinza kweraga kyokka okusinga ku ekyo. Yee, kye kyama. Naye mazima gennyini - toyinza kunnyonnyola kusukka awo. N'olw'ekyo bw'aba nga teyali bantu basatu ku olwo, tayinza kubeera basatu leero. KATONDA OMU: Era Katonda Ono y'Omufuula Yayambala omubiri.

Yesu Yagamba "Nava wa Katonda era Nzirayo eri Katonda." Yokaana 16:27- 28. Ekyo kyennyni kye kyabeerawo. Yabulawo okuva mu nsi ng'Ayita mu kufa, okuziikibwa, okuzuukira n'okulinnya mu ggulu. Olwo Pawulo n'amusanga ku Luguudo olugenda e Damasiko n'Ayogera eri Pawulo ng'Agamba, "Sawulo lwaki onjigganya?" Pawulo n'addamu: "Ggwe ani, Mukama?" Yaddamu, "Nze Yesu." Yali mpagi ya muliro, ekitangaala ekiziba amaaso. Yali Akyukidde ddala ng'Azzeeyo mu ngeri y'emu nga bwe Yali Agambye.

Ng'Azzeeyo nga bwe Yali nga tannaba kwambala mubiri. Bw'atyo Yokaana bwe yakirabira ddala. YOK. 1:18: "Tewali yali alabye Katonda wonna wonna; Omwana Eyazaalibwa omu Yekka, Ali mu kifuba kya Kitaffe, y'Amutegeezza." Weetegereze Yokaana we yagamba awo Yesu waali. Ali mu kifuba kya Kitaawe.

Lukka 2:11 kigamba,

"Kubanga leero Azaaliddwa gye muli Omulokozi mu kibuga kya Dawudi, ye Kristo Mukama."

Yazaalibwa nga ye Kristo era oluvannyuma Iw'ennaku omunaana n'akomolebwa. Yatumibwa Yesu era nga Malayika bwe yali abagambye. Nnazaalibwa nga ndi Branham. Bwe nnazaalibwa bampa erinnya erya William. Yali KRISTO naye Yaweebwa erinnya wano wansi mu bantu. Ensiisira eyo ey'oku ngulu abantu Iwe baalabanga Iwayitibwa Yesu. Ye Yali Mukama w'Ekitiibwa, Ayinza byonna ng'Ayoleseddwa mu mubiri. Ye Katonda Kitaffe, Omwana, n'Omwoyo Omutukuvu. Ebyo byonna ye Ye.

Kitaffe, Omwana n'Omwoyo Omutukuvu biti oba mitwe butwe eginnyonnyola. Si mannya. Eyo y'ensonga Iwaki tubatiza mu Linnya lya Mukama Yesu Kristo, kubanga eryo linnya, so si kituibwa oba mutwe. Ly'erinnya ly'emitwe ego. Kiringa bw'oddira omwana ow'obulenzi eyaakazaalibwa n'omutuumma erinnya. Aba muwere, omwana mutwe oba kiti, olwo n'omutuumma Yokaana Henry Brown. Tomala gabatiza mu "Linnya lya Yesu." Eriyo ba Yesu nkumi na nkumi mu nsi era baalingayo nga ne Yesu Omulokozi waffe Tannazaalibwa. Wabula ku bona kuliko omu yekka eyazaalibwa nga Kristo, "Mukama Yesu Kristo".

Abantu boogera ku Yesu okubeera Omwana Ataggwaawo owa Katonda. Kati okwo si kwekuba ndobo? Ani yali awulidde ku "Mwana" ataggwaawo? Abaana balina entandikwa, naye ekitaggwaawo tekibangako na ntandikwa. Ye Katonda Ataggwaawo (Yakuwa) nga yeeyolekedde mu mubiri.

Mu Njiri nga bwe yawandiikibwa Yokaana kigamba,

"Ku lubereberye waaliwo Kigambo, Kigambo n'Aba awali Katonda, era Kigambo Yali Katonda. Era Kigambo n'Afuuka omubiri n'Abeera mu ffe."

Ye yali Omujulirwa Omwesigwa era Omutuufu eri Ekigambo kya Kitaffe ekitaggwaawo. Yali nabbi era yayogeranga Kitaffe kye yamugambanga okwogera. Yagamba, "Kitange Ali mu Nze" - Ekyo Yesu, olusiisira kye Yayogera, "Kitange Ali mu Nze."

Katonda Alina emitwe (ebitiibwa) mingi: "Obutuukirivu bwaffe", era "Eddembe Lyaffe", era "Abaawo Olubeerera", era "Kitaffe" era, "Omwana", era "Omwoyo Omutukuvu"; naye Alina erinnya ery'obuntu limu iyokka era erinnya eryo ye Yesu.

Totabulwatabulwa olw'okuba nti Alina woofiisi oba nti Alina okweyoleka kwa mirundi esatu. Ku nsi Yali Nnabbi, mu ggulu Kabona Omukulu era akomawo ku nsi, ye Kabaka wa ba Kabaka. "Oyo Eyali" - Y'oyo Yesu, Nnabbi. "Y'Oyo Abaawo" - Y'oyo, Kabona Omukulu nga Yeegayirira - Oyo Ayinza okulumirwa awamu naffe mu bunafu bwaffe. "Ow'okujja" - Y'oyo Kabaka Ajja. Ku nsi Ye Yali Kigambo - Nnabbi. Musa yamwogerako, "Mukama Katonda wammwe aliyimusa Nnabbi afaanana nga nze, era olulituuka bwe bataliwulira bigambo bya Nnabbi oyo balisalibwako okuva mu bantu."

Laba ebintu bino ebikwata ku Yesu. Ku nsi Yali Nabbi, Akaliga, n'Omwana. Kino tekyamufuula basatu. Bino kwali kweyolesezaamu oba woofiisi z'Akoleramu naye nga Muntu Omu Yesu.

Kati waliwo akatundu k'Ebyawandiikibwa akalungi ennyo aboobusatu (Tirinita) ke balowooza nti kakakasa nga bwe waliwo abantu (abaperesona) abasukka mu omu mu bulamba bwa Katonda.

Kali mu Kubik. 5:6-8,

"Ne ndaba wakati w'entebe n'ebiramu ebina, ne wakati w'abakadde, Omwana gw'Endiga ng'Ayimiridde ng'Afaanana ng'Eyattibwa, ng'Alina amayembe musanvu n'amaaso musanvu, gye myoyo omusanvu egya Katonda, egitumibwa mu nsi zonna.

N'Ajja n'Akiggya mu mukono ogwa ddyo ogw'Oyo Atudde ku ntebe. Bwe Yatoola ekitabo ebiramu ebina n'abakadde amakumi abiri mu abana ne bavunnamu mu maaso g'Omwana gw'Endiga buli muntu ng'alina ennanga n'ebibya ebya zaabu ebijjudde obubaane, kwe kusaba kw'abatukuvu."

Ddala ennyiriri zino nga zaawuddwayawuddwamu, zandirabise ng'ezikakasa ensonga yaabwe.

Weetegereze, nnagambye, ennyiriri zino nga ZIKUTUDDWA.

Wabula ate soma Kubik. 4:2-3 ne 9-11,

"Amangu ago nnali mu Mwoyo: era laba entebe ey'obwakabaka yali ng'eteekeddawo mu ggulu, era nga waliwo Eyali Atudde ku ntebe;

naye Eyali Atudde ng'afaanana ng'ejjinja erya yasepi n'erya sadio okulabika era nga waliwo ne

musoke okwetooloola entebe, eyali afaanana nga zumaliidi okulabika.

Era ebiramu bwe birimuwa ekitiibwa n'ettendo n'okwebaza Oyo Atudde ku ntebe, omulamu emirembe n'emirembe, abakadde amakumi abiri mu abana balivunnama mu maaso g'Oyo Atudde ku ntebe, era balisinza Oyo Omulamu emirembe n'emirembe, era balisuula engule zaabwe mu maaso g'entebe nga boogera nti Osaanidde Ggwe, Mukama waffe, okuweebwanga ekitiibwa n'ettendo n'obuyinza: kubanga Ggwe wabitonda byonna, era byabaawo Iwa kusiima Kwo, era byatondebwa."

Genderera mu lunyiriri olw'okubiri kigamba "OMU" (Si babiri oba basatu naye OMU) Yatuula ku ntebe. Mu lw'okusatu kigamba, "EYALI" (si abaali) Afaanana ng'ejinja lya yasepi. Mu lwomwenda kigamba nti ebiramu "BYAMUWA" ekitiibwa (so si byabawa). Mu lw'ekkumi kigamba nti abakadde ne bavunnama mu maaso "GE" (si mu maaso gaabwe). Era ne mu lw'ekkumi n'olumu kigamba nti ONO Eyali ku ntebe ye "Mutanzi", nga Ye Yesu (Yokaana 1:3), Oyo ye Yakuwa- Katonda-Omwoyo ow'Endagaano enkadde (Lub. 1:1).

Naye leka tuleme kukoma awo. Kati ate soma mu Kubik. 3:21,

"Eri oyo awangula Ndimuwa okutuula Nange mu ntebe Yange, nga Nange bwe Nnawangula ne ntuula wamu ne Kitange ku ntebe Ye ey'obwakabaka."

Era soma ne mu Beb. 12:2,

"Nga tutunuulira Yesu yekka Omukulu w'okukkiriza kwaffe era Omutuukiriza waakwo olw'essanyu eryateekwa mu maaso Ge Eyagumiikiriza omusaalaba ng'Anyooma ensonyi n'Atuula ku mukono ogwa ddyo ogw'entebe ya Katonda."

Genderera nti okusinziira ku Yesu, Yennyini, Eyawandiika Okubikkulirwa, Atudde wansi NE Kitaffe; Omwoyo mu Pawulo (ng'Omwoyo oyo ye Mwoyo wa Kristo, kubanga oyo ye Mwoyo w'obunnabbi Ekigambo mwe kiyita) Agamba Atudde ku MUKONO ogwa DDYO ogwa Katonda. Naye Yokaana ye bwe yatinula yalaba "OMU" yekka ku namulondo. Era ebyo okubeerawo twamala kutuuka mu Kubik. 5:6-8 (ekiddirira Kubik. 4:2-3 mu biseera nga bwe biddiringana) ne tulyoka tulaba "Omwana gw'Endiga" ng'Atoola ekitabo ku "Oyo" Atudde ku ntebe nga bwe kiragibwa mu Kubik. 4:2-3 ne 9-10. Kiki? Kyama kya "KATONDA OMU." Ye (Yesu), Yava mu Katonda, n'Azuukira nate n'Addayo mu kifuba kya Kitaffe." Nga Yokaana bwe yagamba, "Omwana omu Yekka Eyazaaliba Ali mu Kifuba kya Kitaffe, y'Amutegeez" Yokaana 1:18. Kaakano kye kiseera Katonda (Masiya) okukomawo okubanja omugole We era olwo Yeeweyeo (Yeeyanjulire) Isiraeri. Kale nate tulaba Katonda ng'Avaayo Azzeewo enkolagana yennyini n'omuntu "ng'Omwana wa Dawudi, Kabaka wa ba Kabaka era Mukama wa Bakama, era Bba w'Omugole w'Abaamawanga." TEBALI ba Katonda "Babiri", wabula KATONDA OMU bumu ng'alaga woofisi ze essatu (obuwereza) ez'amaanyi n'ebitiibwa Bye.

abantu baamanya nti yali Nnabbi. Baamanya akabonero ka Masiya akaali kasobola okujja nga kayita mu nabbi yekka.

Yokaana 1:44-51,

"Naye Firipo owe Besusayida, mu kibuga kya Andereya ne Peetero.

Firipo n'alaba Nassanayiri n'amugamba nti Tulabye oyo Musa gwe yawandiiako mu mateeka ne bannabbi, Yesu, omwana wa Yusuufu, ow'e Nazaaleesi. Nassanayiri n'amugamba nti mu Nazaaleesi muyinza okuvaamu ekintu ekirungi?

Firipo n'amugamba nti Jjangu olabe.

Yesu n'Alaba Nassanayiri ng'ajja gy'Ali n'Amwogerako nti laba Omuisiraeri wawu, ataliimu bukuusa!

Nassanayiri n'amugamba nti Wantegeerera wa?

Yesu n'Addamu n'Amugamba nti Firipo bw'abadde tannakuyita, bw'obadde mu mutiini, ne nkulaba.

Nassanayiri n'amuddamu nti Labbi, ggwe Mwana wa Katonda: ggwe Kabaka wa Isiraeri.

Yesu n'Addamu n'Amugamba nti kubanga Nkugambye nti Nkulabye mu mutiini okkirizza? Oliraba ebikulu okukira ebyo.

N'Amugamba nti ddala ddala mbagamba nti muliraba eggulu nga libikkuse, ne bamalayika ba Katonda nga balinnya era nga bakkira ku Mwana w'omuntu." Okusobola okutegeera ebirowoozo by'omu mitima mu bantu kyaleetera abalonde okutegeera nti masiya wuuno wano Ekigambo kya Katonda ekifukeko amafuta.

Abeb. 4:12,

"Kubanga Ekigambo kya Katonda kiramu, era kikozi era kisala okusinga buli kitala kyonna eky'obwogi

obubiri, era kiyitamu n'okwawula ne kyawula obulamu n'omwoyo, ennyingo n'obusomyo, era kyangu okwawula okulowooza n'okufumiitiriza kw'omu mutima".

Omukazi eyali ku luzzi bwe yamuwlira ng'Amayi ebirowoozo by'omu mutima gwe yaleekaanira waggulu ng'alangirira nga bw'Ali nnabbi nti era Masiya yali wa kumanyikira ku busobozi obwo obw'ekitalo. Yok. 4:7-26,

"Omukazi Omusamaliya n'ajja okusena amazzi: Yesu n'Amugamba nti Mpa Nnywe. Kubanga abayigirizwa be baali bagenze mu kibuga okugula emmere.

Awo omukazi Omusamaliya n'amugamba nti Ggwe Omuyudaaya kiki ekikusabya nze omukazi Omusamaliya? kubanga Abayudaaya tebatabagana na Basamaliya.

Yesu n'Addamu n'Amugamba nti Singa obadde omanyi ekirabo kya Katonda n'oyo akugamba nti Mpa Nnywe bw'Ali, ggwe wandimusabye, Naye Yandikuwadde amazzi amalamu.

Omukazi n'amugamba nti ssebo tolina kyakusenesa n'oluzzi luwanvu; kale ojja wa amazzi ago amalamu?

Ggwe oli mukulu okukira jjajjaffe Yakobo, eyatuwa oluzzi luno, eyanywangamu ye n'abaana be n'ensolo ze?

Yesu n'Amuddamu n'Amugamba nti Buli muntu yenna anywa amazzi gano ennyonta erimuluma nate:

naye anywa amazzi ago Nze ge Ndimuwa ennyonta terimulumira ddala emirundi gyonna; naye amazzi ge Ndimuwa ganaafuukanga munda mu ye ensulo y'amazzi nga gakulukuta okutuuka ku bulamu obutaggwaawo.

Omukazi n'amugamba nti Ssebo mpa amazzi ago, ennyonta ekome okunnumanga, n'okukoma nkome okutambula olugendo luno lwonna okusenanga.

Yesu n'Amugamba nti genda oyite balo, okomewo wano.

Omukazi n'addamu n'amugamba nti Sirina baze;

Yesu n'Amugamba nti oyogedde bulungi nti sirina baze; kubanga walina ba balo bataano, naye gw'olina kaakano si balo; ekkyo ky'oyogedde mazima.

Omukazi n'amugamba nti Ssebo, ndaba nti oli nnabbi. Bajjajjaffe baasinzinganga ku lusozi luno; nammwe mugamba nti e Yerusaalemi ky'ekifo ekigwana okusinzingangamu.

Yesu n'Amugamba nti Omukyala, Nzirkiriza ekiseera kijja kye batalisinzangamu Kitaffe ku lusozi luno newankubadde mu Yerusaalemi. Mmwe musinza kye mutamanyi; ffe tusinza kye tumanyi; kubanga obulokozi buva mu Buyudaaya.

Naye ekiseera kijja, era kituuse, abasinza amazima Iwe banaasingizinganga Kitaffe mu mwoyo n'amazima: kubanga Kitaffe Anoonya abali ng'abo okubeera ab'okumusinzanga.

Katonda gwe Mwoyo: n'abo abamusinza kibagwanira okusinzinganga mu mwoyo n'amazima.

Omukazi n'amugamba nti mmanyi nga Kristo Ajja gwe bayita Eyafukibwaako amafuta: ye bw'Alijja Alitubaulira ebiligambo byonna.

Yesu n'Amugamba nti Nze Nzuuno Ayogera naawe."

Mu Kubikkulirwa 15:3 kigamba,

"Ne bayimba oluyimba Iwa Musa omuddu wa Katonda n'oluyimba Iw'Omwana gw'Endiga nga boogera nti Bikulu era bya kitalo ebikolwa byo, Mukama Katonda Omuyinza w'ebintu byonna; ga butuukirivu era ga mazima amakubo Go. Ggwe Kabaka wa ba Kabaka."

Mukiraba? OMWANA gw'ENDIGA, Kabona Omukulu, ng'Alina omusaayi Gwe ng'ekiweebwayo ku ntebe y'okusaasira olw'ebyonoono byaffe ye Mukama Katonda Ayinza byonna. Eyo kaakano ye woofisi Ye. Ekkyo ky'Akola kati, Alangirira omusaayi Gwe eri ebibi byaffe. Naye lumu Omwana gw'Endiga Oyo Ajja kufuuka Empologoma y'omu Kika kya Yuda. Ajja kuvayayo mu maanyi n'ekitiibwa Atwale obuyinza bwe Afuge nga Kabaka. Ye Kabaka Ajja ow'ensi eno. Kkwo okuba, ekkyo tekitegeesa nti si ye Kabaka kaakano. Kubanga ye Kabaka waffe, Kabaka w'Abatukuvu. Mu kiseera kino kati bwakabaka bwa mwoyo. Si bwa ngeri ya nsi eno era nga naffe bwe tutali ba nsi eno. Eyo y'ensonga Iwaki tuli baawufu mu mpisa z'ensi eno. Obutuuze bwaffe buli mu ggulu. Twoleka ekifaananyi ky'Omwoyo w'ensi y'obuzaale bwaffe obw'omulundi ogwokubiri ng'eyo Yesu ye Kabaka. Eyo y'ensonga Iwaki bakazi baffe tebambala ngoye za kisajja, okusala enviiri zaabwe ova okukozesa ebizigo ebibakyusa ensusu zaabwe n'ebintu ebirala ensi by'eyagala ennyo. Eyo y'ensonga Iwaki basajja baffe tebanywa myenge, taaba n'okwenyigira mu bibi. Obufuzi obwaffe

bufuga ekibi era bukolera mu maanyi ag'Omwoyo wa Kristo Oyo Ali mu ffe. Buli bwakabaka bwonna ku nsi bwa kusattululwa, naye obwaffe bwa kusigalawo.

Kati tubadde twogera ku woofiisi n'okweyoleka kwa Katonda Omu, Omutuufu era nga tulaba ekitiibwa Kye mu kuyiga Ebyawandiikibwa. Wabula okusobola okumutegeera omuntu takozesa magezi gano ag'obwongo. Amanyibwa mu ngeri ya Mwoyo: okuyita mu kubikkulirwa kw'omu Mwoyo. Y'omu Ono Eyali Yesu ng'omubiri guzeeeyo mu mpagi y'omuliro. Naye Yasuubiza nti wa kukomawo Abeere n'abantu Be mu Mwoyo. Era ku lunaku lwa Pentekote empagi eyo ey'omuliro yakka ne yeeyawulamu mu nnimi z'omuliro ku buli muntu. Kiki Katonda kye Yali Akola? Yali yeeyawulamu mu kkanisa ng'Agaba ekitundu Kye eri abantu abo bona abasajja n'abakazi. Ye Yennyini Yeegabamu mu kkanisa Ye nga bwe Yali Yagamba.

Yokaana 14:16-23,

"Era ndisaba Kitange, Naye Alibawa Omubeezi omulala abeerenga nammwe emirembe n'emirembe,

Era Omwoyo ow'Amazima ensi gw'etayinza kukkiriza kubanga temulaba so temumanyi, mmwe mumutegeera kubanga Abeera gye muli, era Anaabanga mu mmwe.

Siribaleka ba mulekwa; Nkomawo gye muli.

Esigadde ekiseera kitono ensi obutandaba nate; naye mmwe mundaba kubanga Ndi mulamu nammwe muli balamu.

Ku lunaku olwo mulitegeera nga Nze Ndi mu Kitange nammwe mu Nze, Nange mu mmwe. Alina ebiragiro Byange n'abikwata oyo nga y'anjagala: anjagala anaayagalibwanga Kitange, Nange Nnaamwagalanga Nnaamulabikiranga.

Yuda atali Isukalyoti n'amugamba nti Mukama waffe, kibadde kitya ggwe okugenda okutulabikira ffe, so si eri ensi?

Yesu n'Addamu n'Amugamba nti Omuntu bw'anjagala naakwatanga Ekigambo Kyange; ne Kitange anaamwagalanga era Tunajjanga gy'ali". Yagamba nti Alisaba Kitaawe Asindike Omubeezi omulala ng'Oyo yali WAMU nabo (abayigirizwa) naye SO SI MU bo. Oyo ye yali Kristo. Olwo ate mu lunyiriri olwa 23 nga yeeyogerako ne Kitaffe,

Yagamba TULIJJA. Kiikyo awo; "Omwoyo Ajja, Omwoyo wa Katonda Y'omu Eyeeyoleka nga Kitaffe era ng'Omwna era wa kwongera okweyoleka mu bingi" — KATONDA OMU ng'Oyo ye Mwoyo.

Eyo y'ensonga Iwaki tewali muntu ayinza kujja n'agamba nti omuntu omutukuvu ye ppaapa oba omuntu omutukuvu ye bisopu oba kabona. OMUNTU OMUTUKUVU ye Kristo, Omwoyo Omutukuvu, mu ffe. Gano amadaala g'obufuzi mu makanisa gennganga gatya okugamba nti abagoberezi tebalina kya kwogera? Buli muntu alina eky'okwogera. Buli omu alina omulimu, buli omu alina obuwereza. Mwoyo Mutukuvu Yajja ku Pentekote ne Yeeyawulira ku buli muntu kiryoke kituukirire Kristo kye Yayogera nti,

"Ku lunaku olwo mulimanya nti Ndi mu Kitange nammwe mu Nze Nange mu mmwe."

Yokaana 14:20.

Oyo Ndi ow'ekitalo, Katonda Ayinza Byonna, Azze ng'Omwoyo Ajjuze ekklesia Ye entuufu. Alina eddembe okugenda wonna w'Ayagala, era ku muntu Yenna gw'Ayagala. Ffe tetwekolamu "bantu batukuvu" mu ffe, wabula ekibiina ky'amazima kyonna ekya Mukama kitukuvu olw'okubeerawo kw'Omwoyo Omutukuvu. Ye, Omwoyo Ornutukuvu ye mutukuvu so si ekibiina ku Iwaky.

Kati okwo kwe kubikkulirwa: Yesu Kristo ye Katonda. Yakuwa ow'Endagaano enkadde ye Yesu ow'Empya. Si nsonga ne bw'ofuba otya, toyinza kulaga bukakafu nti waliwo ba Katonda BASATU. Naye ate era kyetaagisa kubikkulirwa okutegeera amazima nti Ali Omu. Kyetaagisa kubikkulirwa okulaba nti Yakuwa ow'Endagaano Enkadde ye Yesu ow'Endagaano Empya. Setaani yasensera mu kkanisa n'aziba abantu amaaso ne batalaba mazima gano. Era bwe baazibibwa amaaso waayitawo ebbanga ttono Ekereziya y'e Roma neerekera awo okubatiza mu Linnya lya Mukama Yesu Kristo.

Nzikiriza nti kyetaagisiza ddala kubikkulirwa okuva eri Omwoyo Ornutukuvu okulaba amazima agakwata ku bulamba bwa Katonda mu nnaku zino mwe tutambulira mu kukyamizibwa okungi okw'Ebyawandiikibwa. Naye yo ekklesia empanguzi, ezimbiddwa ku kubikkulirwa kale tuyinza okusuubira Katonda okutubikkulira amazima Ge. Wabula, mu butuufu ddala teweetaaga kubikkulirwa ku kubatizibwa kw'omu mazzi. Kiikyo awo kiri ddala mu maaso go. Kyandisobose wadde eddakiika emu abatume okukyamizibwa okuva ku kiragiyo kya Mukama ne babatiza mu Linnya lya Kitaffe, n'Omwna Okubikkulirwa Kwa Yesu Kristo n'Omwoyo Ornutukuvu n'Abasanga mu bujeemu obugenderere? Baamanya liali Linnya ki, era tewali wantu wonna mu Byawandiikibwa we baabatiza mu ngeri endala okuggyako mu Linnya lya Mukama Yesu Kristo. Endowooza eya bulijjo yandikubuulidde nti Ekitabo ky'Ebikolwa kiraga ekklesia ng'eteeka ebintu mu nkola, kale oba eyo y'engeri gye baabatizaamu ekyo kitegeeza nti y'engeri okubatiza

gye kuteekwa okukolebwamu. Kati oba olowooza nti ekoy kikalubo ate kino kyo okirowoozaako ki? Omuntu yenna ataabatizibwa mu Linnya lya Mukama Yesu yalina okuddamu okubatizibwa.

Bikol. 19:1-6, "Awo olwatuuka Apolo bwe yali e Kkolins Pawulo ng'ayise ku njuuyi eza waggulu n'atuuka mu Efeso: n'asanga abayigiriza abamu n'abagamba Mwaweebwa Omwoyo Omutukuvu okuva lwe mwakkiriza? Ne bamugamba nti Nedda, n'okuwulira tetuwuliranga nti waliyo Omwoyo Omutukuvu. N'abagamba nti kale mwabatizibwa kuyingira mu ki? Ne bagamba nti mu kubatizibwa kwa Yokaana. Pawulo n'ayogera nti Yokaana yabatiza okubatiza okw'okwenenya, ng'agamba abantu bakkirize agenda okujja ennyuma we, ye Yesu. Bwe baawulira ne babatizibwa okuyingira mu Linnya lya Mukama waffe Yesu. Pawulo bwe yabassaako emikono Omwoyo Omutukuvu n'Ajja ku bo ne boogera ennimi ne balagula." Bwe kityo bwe kiri. Abantu bano abalungi mu Efeso baawulira ku Masiya Eyali Ajja. Yokaana yali amubabuuliddeko. Baali babatiziddwa mu kwenenya kw'ebibi nga BEETEGEKA okukkiriza Yesu. Naye kati kye kyali ekiseera okutunula EMABEGA babatizibwe eri OKUSONYIYIBWA ebibi. Ekiseera kyali kituuse okufuna Omwoyo Omutukuvu. Era bwe baabatizibwa mu Linnya lya Mukama Yesu Kristo, Pawulo n'abateekako emikono Omwoyo Omutukuvu n'Abakkako.

Oh, abalungi abo mu Efeso nga baali ba kitalo: era oba waaliwo abaalina eddembe okuwulira nti batebenkedde baali abo. Laba we baali batuuse. Baava wala ne batuuka ne ku kukkiriza Masiya Ajja. Baali bamwetegekedde. Naye ate tolaba nga wadde baali batuuse eyo naye ate baali bamusubiddwa? Yali azze n'okugenda n'agenda. Kyali kibeetaagisa okubatizibwa mu Linnya lya Yesu Kristo. Baali beetaaga okujjuzibwa n'Omwoyo Omutukuvu.

Bw'oba obatiziddwa mu Linnya Mukama Yesu, Katonda Ajja kukujuza n'Omwoyo We Omutukuvu. Ekyo ky'Ekgambo.

Kye tusoma mu Bikolwa 19:6 okutuukirira kwakyo kwe kuli mu Bikolwa 2:38,

"Mwenenye buli muntu mu mmwe mubatizibwe mu Linnya lya Mukama Yesu Kristo okuggibwako ebibi, era munaaweebwa ekirabo eky'Omwoyo Omutukuvu."

Mulabe, Pawulo yayogera ng'alungamizibwa Omwoyo Omutukuvu ekyo kyennyini Peetero kye yagamba ng'alunngamizibwa Omwoyo Omutukuvu. Era ebyayogerwa TEBISOBOKA kukyusibwa. Birina kuba bye bimu okuva ku Pentekote okutuuka ng'omulonde asembayo abatiziddwa.

Bag. 1:8,

"Naye oba ffe oba Malayika ava mu ggulu bw'abuuliranga enjiri wabula nga bwe twabuulira, akolimirwenga."

Kati abamu ku mmwe aba Oneness mubatiza mu ngeri nkyamu. Mubatiza okubatiza okw'okukyusa omuntu nga gy'obeera nti okunnyikibwa mu mazzi kwe kwabalokola. Okukyusibwa tekujja n'amazzi; mulimu gwa Mwoyo. Omusajja Omwoyo Omutukuvu gwe yayisaamu ekiragiro, "Mwenenye era mubatizibwe buli omu mu Linnya lya Mukama," teyagamba nti amazzi gakyusa. Yagamba nti bwali bukakafu oba kabonero ka kuba "okuddamu omwoyo omulungi eri Katonda." Kyali ekyo kyokka.

1 Peetero 3:21,

"Era kaakano ge gaabalokola mmwe mu kifaananyi eky'amazima kwe kubatizibwa, (si kuggyawo mpitambi za mubiri, wabula okuddamu okw'omwoyo omulungi eri Katonda), olw'okuzuukira kwa Yesu Kristo."

Nkikkiriza.

Bwe waba nga waliwo alina endowooza enkyamu nti ebyafaayo bisobola okutuwa obukakafu nti okubatiza mu mazzi kwali mu ngeri ndala etali mu Linnya lya Yesu Kristo, nkuwa amagezi okwesomera ebyafaayo ggwe wennyini olabe. Kino wammannga ky'ekiwandiiko ekituufu ekikwata ku kubatza okwaliwo mu Roma A.D. 100, era byakubibwa nate ne mu katabo ka Time Magazine, akaafuluma nga 5 December 1955. "Omodinkoni yawanika omukono gwe, Publius Decius n'ayita mu mulyango gw'ebbatirizo. Marcus Vasca omutunzi w'embaawo n'ayimirira mu kidiba ng'amazzi gamukoma mu kiwato. Yamwenyaamu nga Publius ng'asenvula mu kidiba okumusemberera. N'amubuuza 'Credis' ('Okkiriza?') Publius n'addamu 'Credo' ('Nzikiriza'), 'Nzikiriza nti obulokozi bwange buva eri Yesu Kristo Eyakomererwa mu biro bya Pontiyo Piraato. Gwe nafa naye nsobole okufuna naye obulamu obutaggwaawo.' Olwo n'awulira emikono egyptamayi nga gimuwanihira ng'akka eky'ennyumannyuma mu kidiba, n'awulira eddobozi lya Marcus mu kutu kwe nga ligamba — 'Nkubatiza mu Linnya lya Mukama Yesu — ng'amazzi amannyogovu bwe gamubuutikira.'

Mu biseera ebyo okutuusa amazima lwe gaabula (era tegaakomawo okutuusa mu mulembe guno ogusembayo — kino kyava mu Nikyeya ku nkomerero y'ekyasa kino) baabatizanga mu Linnya lya Mukama Yesu Kristo. Wabula kukomyewo. Setaani tayinza kukweka kubikkulirwa ng'Omwoyo Ayagala Akwanjule.

Yee, singa baali ba Katonda basatu wandibadde mutuufu okubatiza olwa Kitaffe, n'Omwana n'Omwoyo Omutukuvu. Naye OKUBIKKULIRWA OKWAWEEBWA YOKAANA kwali nti waliwo KATONDA OMU n'Erinnya Lye ye MUKAMA YESU KRISTO, era obatiza ku Iwa Katonda OMU era Omu Yekka. Eyo y'ensonga Iwaki Peetero yabatiza mu ngeri eyo ku lunaku Iwa Pentekote. Yalina okuba omwesigwa eri okubikkulirwa okwali, "Leka ennyumba ya Isiraeri emanyire ddala nti KATONDA YESU Y'OMU oyo, gwe mukomeredde amufudde MUKAMA ERA KRISTO." Wuuyo awo, "MUKAMA YESU KRISTO."

Oba nga Yesu ye 'BYOMBI' Mukama era Kristo, olwo Ye (Yesu) era Tayinza kuba kintu kirala okuggyako "Kitaffe, Omwana n'Omwoyo Omutukuvu mu Muntu OMU eyayolesebwa mu mubiri era tayinza kubeera kintu kirala kyonna. Si "Katonda mu baperesona abasatu tirinita ey'omukisa" naye KATONDA OMU, OMUNTU OMU n'emite we emikulu esatu, ne woofiisi ssatu mwayoleseza ebitiibwa ebyo. Mukiwulire nate. Yesu y'omu ono ye "BYOMBI Mukama era Kristo." Mukama (Kitaffe) era Kristo (Omwoyo Omutukuvu) ye Yesu, kubanga ye (Yesu) ye BYOMBI ebyo (Mukama era Kristo).

Ekyo oba tekitulaga kubikkulirwa okutuufu okw'Obulamba bwa Katonda, tewali kirala kirisobola. Mukama SI mulala; Kristo SI mulala. Yesu ono ye Mukama Yesu Kristo — KATONDA OMU.

Lumu Firipo yagamba Yesu, "Mukama tulage Kitaffe kinaatumala." Yesu n'Amugamba bukya mbeera naawe totegeeranga? Oyo alabye Nze aba alabye Kitange, kale Iwaki ogamba nti Tulage Kitaffe? Nze ne Kitaffe tuli Omu." Lumu nnanokolayo akatundu ako omukyala omu n'agamba, "sooka olindeko mwami Branham, ggwe ne mukazi wo muli omu."

Ko nze, "Tekifaanana bwe kityo."

N'agamba, "Nziriraamu."

Ne mmugamba, "Ondaba?"

N'addamu nti "Yee." Ne mmugamba, "Mukazi wange omulaba?"

Ko ye, "Nedda."

Ne nngamba, "kale obumu obwo bwa kika kirala, kubanga yag- amba, 'Bwe mundaba, mulaba Kitange.'"

Nnabbi yagamba akawungeezi walibeera omusana. Mu luyimba kyawandiikibwa:

Omusana gulyaka akawungeezi,

Olizuula ekkubo erigenda mu kitibwa,

Mu kkubo ery'amazzi, ogwo gwe musana leero,

Okuziikibwa mu Linnya ery'omuwendo erya Yesu.

Abakulu n'abato mwenenye ebibi byammwe byonna, Omwoyo

Omutukuvu ddala ajja kuyingira.

Omusana gw'akawungeezi guzze—

Mazima ddala Katonda ne Kristo bali omu.

Emabegako nnali nnyumya ne Labbi Omuyudaaya. Yagamba, "Mmwe Abaamawanga temuyinza kusalamu Katonda bitundu bisatu ne mumuwa Omuyudaaya. Ffe tumanyiiko okusinga awo."

Nnamuddamu, "Ky'ekyo Labbi, Katonda tetumusalamu bitundu bisatu. Mukkiriza bannabbi, si bwe kiri?"

Ko ye, "Ddala nzikiriza."

"Okkiriza Isaaya 9:6"

"Weewaawo."

"Ani nnabbi gwe yali ayogerako?"

"Masiya"

Ne nngamba, "Luganda ki oluliba wakati wa Masiya ne Katonda?"

N'addamu, "Aliba Katonda."

Ne nngamba "Ekyo kituufu." Amiina.

Toyinza kuddira Katonda n'omuteeka mu bantu (baperesona) basatu oba mu bitundu bisatu. Toyinza kugamba Muyudaaya nti waliwo Kitaffe ne wabaawo Omwana ate ne wabaawo Omwoyo Omutukuw. Ajja kukubuulirirawo wa ekyo gye kyava. Abayudaaya bamanyi nti enzikiriza eno yasibuka mu Lukiiko Iwe Nikyeya (Nicene Council). Kye bava batusekerera nti tuli bakaafiiri.

Twogera ku Katonda Atakyuka. Abayudaaya nabo ekyo kye bakkiriza. Wabula yo ekkanisa yakyusa Katonda waayo okuva ku Omu n'emufuulamu BASATU. Naye omusana gukomawo akawungeezi. Nga kikyamula okulaba nti amazima gano gajjidde mu kiseera Abayudaaya nga baddayo mu nsi Entukuvu. Katonda ne Kristo bali OMU. Yesu ono Ye MUKAMA ERA KRISTO.

Yokaana yalina okubikkulirwa era Yesu ye Yali Okubikkulirwa, ye Yennyini yeeyanjula wano mu Byawandiikibwa - "Ndi Oyo Eyaliwo, Abaawo era Ajja okubaawo, Ayinza byonna. Amiina."

Okubikkulirwa okwo bwe kuba nga kukusukkiridde, tunula waggulu onoonye Katonda. Eyo yokka y'engeri gy'olikufunamu. Okubikkulirwa kulina kuva wa Katonda. Tekujja mu magezi ga buntu, oba obutonde wabula Omwoyo y'Akuwa. Oyinza n'okukwata Ebyawandiikibwa mu mutwe, era wadde ekyo kya kitalo, ekyo si kye kinaakikola. Kulina kuba kubikkulirwa nga kuva wa Katonda. Ekigambo kyogera nti tewali muntu asobola kwogera nti Yesu ye Kristo awatali Mwoyo Mutukuvu. Olina okufuna Omwoyo Omutukuvu era olwo, era nga y'engeri yokka, Omwoyo n'Alyoka Akuwa okubikkulirwa nti Yesu ye Kristo: Katonda, Eyafukibwako Amafuta.

Tewali muntu amanyi bintu bya Katonda okuggyako Omwoyo wa Katonda era n'oyo Mwoyo wa Katonda gw'Abibikkulira. Twetaaga okuyita Katonda tufune okubikkulirwa okusinga ekintu ekirala kyonna mu nsi Bayibuli tugikkirizza, amazima gaayo ag'ekitalo tugakkirizza wabula tegannaba kufuuka kintu kya nnamaddala eri abasinga obungi kubanga okubikkulirwa nga kuyita mu Mwoyo tekuliwo. Ekigambo tekinnafuulibwa kiramu. Bayibuli egamba mu 2 Bakkolinso 5:21 nti tufuuse obutuukirivu bwa Katonda okuyita mu kwegatta kwaffe ne Yesu Kristo. Mukifunye? Kigamba nti FFE BENNYINI TULI BUTUUKIRIVU BWA KATONDA olw'okubeera MU KRISTO. Kigamba nti Ye (Yesu) yafuuka ekibi ku Iwaffe. Tekigamba nti yafuuka mwonoonyi, naye yafuuka KIBI ku Iwaffe kale ffe okuyita mu kwegatta naye tusobole okufuuka OBUTUUKIRIVU bwa Katonda. Kino bwe tukkiriza (nga bwe tuteekeddwa), nti ddala yatufuukira EKIBI nga yeewaayo ku Iwaffe olwo tuteekwa n'okukkiriza kino nti ffe okuyita mu kwegatta naye tufuuse OBUTUUKIRIVU BWENNYINI obwa Katonda. Okugaanako ekimu n'ekirala oba okigaanye. Bw'okkirizaako ekimu n'ekirala oba okikkiriza. Kati tumanyi nti Bayibuli ekyo ky'eyogera. Tekiyinzika kusambajibwa. Naye okubikkulirwa kwakyo kwe kutaliwo. Si kintu kya namaddala eri abaana ba Katonda abasinga obungi. Lunyiriri lulungi bulungi mu Bayibuli. Naye kitwetaagisa lufuulibwe OLULAMU gye tuli. Ekyo kijja kwetaagisa okubikkulirwa.

Ka nteekemu wano ekintu ekijja okubeewuunisa ate kibayambe. Abayizi batono abatakkiriza nti Endagaano Empya okusooka yali mu lulimi Luyonaani. Abayizi baffe bona ab'ekitalo aba Bayibuli bagambye nti Katonda ensi yagiwa amawanga asatu ag'ekitalo n'ebintu ebirala bisatu olw'Enjiri. Yagiwa Abayonaani abaatuwa olulimi olw'ensi yonna. Yatuwa Abayudaaya abaatuwa eddiini entuufu n'okumanya Katonda okutuufu okuyita mu Mulokozi. Yatuwa Abaruumi abaatuwa obwakabaka obwekutte omwali amateeka n'encola y'enguudo oba amakubo. Kye tuvudde tubeera n'eddiini entuufu, olulimi okusobola okugibuulira eri abantu abangi, gavumenti n'enguudo okuyitamu tugisaasaanye. Era okusinziira ku byafaayo kino kirabikira ddala okuba ekituufu. Era ennak zino abasomi Abayonaani bagamba nti olulimi Oluyonaani olwakozesebwu mu nnaku za Bayibuli teruliiko kamogo n'olw'ekyo omuyizi w'Oluyonaani bw'aba ng'alukuba budinda asabolera ddala okutegeera kiki ekisomesebwa Ekigambo mu Ndagaano Empya.

Wabula kino kituufu si ndowooza bulowooza? Tekiri nti buli tuyizi w'Oluyonaani omumanyifu okuva mu ddiini emu awakanya eddiini endala era tekiri nti empaka zaabwe ziri ku bimu ku bigambo by'Oluyonaani n'ennono z'olulimi olwo? Buli tuyizi w'Oluyonaani omumanyifu okuva mu ddiini emu si y'awakanya munne okuva mu ndala era nga n'empaka zaabwe ziri ku bigambo by'Oluyonaani n'ennonozaalwo ebifaanana? Ddala bwe kityo bwe kiri. Wadde ne mu mulembe gw'ekkanisa ya Perugamo bwe kyali ng'Olukiiko Iw'e Nikyeya (Nicene Council) lugenda okutuula mu mwaka 325 waaliwo Abayizi babiri Arius ne Athanasius abaakuubaganira ku njigiriza olw'ekigambo ky'Oluyonaani. Empaka zaabwe zaagenda nnyo ebuziba era ne zisaasaanira ensi yonna ab'ebafaayo ne batuuka n'okugamba nti ensi yayulikamu wabiri ku njatuza y'ekigambo (eddoboozi ly'empeerezi ebbiri mu njatuza emu).

Kati oba nga Oluyonaani teruliiko kamogo era nga Iwatondebwu Katonda, kiki ekyaleeta empaka ezenkana awo? Mu butuufu Katonda teyateekateeka ffenna tuyige Luyonaani. N'okutuusa leero tuwakanira ku Luyonaani. Twala eky'okulabirako ekitabo ekiyitibwa "Christ's Paralyzed Church X-rayed" (Ekifaananyi ky'Ekklesia ya Kristo Eyasannyalala) ekyawandiikibwa Dokita McCrossan. Mu kitabo ekyo anokolayo ebintu ebiwerako okuva mu bayizi b'Oluyonaani abaatiikirivu era ng'amatidde n'obukakafu nti ennono z'Oluyonaani ezitakyuka zooleka nti okuyigiriza kwa Bayibuli nti omuntu abatizibwa n'Omwoyo Omutukuvu ng'amaze kuzaalibwa mulundi gwa kubiri. Ate era akyogera butereevu nti abakazi bayinza okuwamba ekituuti kubanga ekigambo kulagula kitegeeza kubuulira. Wabula abayizi b'Oluyonaani abalala

abasobola nga ye abakkirizisizza? Nedda n'akatono. Ky'olina okukola kyokka kwe kusoma abayizi abo abalala bo abakiraba obulala owulire obujulizi bwabwe obwa waggulu.

Kati kye nngambye si kituufu butuufu kyokka, naye ka tweyongereyooko. Leero tulina abayizi abagamba mbu obuwandiike obwasooka bwawandiikibwa mu lulimi oluyitibwa Aramaic Yesu Iwe yayogeranga era olwayogerwanga abantu ab'ebiro ebyo. Bagamba mbu okuwandiika n'okwogera mu Luyonaani abantu si Iwe baakozesanga nga bwe kirowoozebwa bulijo. Era kiri nti ab'ebafaayo baffe ku ekyo tebakkiriziganya. Eky'okulabirako, nga Dokita Schonfield omuyizi asingayo okuba omugezi okuva mu kunoonyereza alaze obukakafu nti Endagaano Empya yawandiikibwa mu lulimi Luyonaani olwali lwogerwa abantu b'ebiro ebyo. Ye by'akkiriza bitegeerekeka kuba omulamwa gwabyo agujja mu biwandiiko ebitali bimu by'alina. Wabula ate ku luuyi olulala tulinayo ornusomi omulala omwatiikirivu, Dokita Lamsa akakasa nti Endagaano Empya yawandiikibwa mu lulimi Aramaic era nga okuwagira ye ky'agamba yeesigamye ku kalimagezi omunnabyafaayo ayitibwa Toynbee. Ono ate ye agamba nti OLUYONAANI SI LWE LWALI olulimi lw'abantu kale kisoboka okuba nti Endagaano Empya yasooka kuwandiikibwa mu lulimi oluyitibwa Aramaic.

Naye, nga tetunnassaayo nnyo mwoyo ku kino ka tusooke tusome Bayibuli eya King James Version n'eyo eyavvuunulwa Ddokita Lamsa. Ekitusanyusa era ekitwewuunyisa mu Bayibuli ezo zombi ebigambo bye bimu kale ne watabeerawo njawulo mu njigiriza. Tuyinza n'okugamba nti Katonda akkirizza emizingo gino egy'edda egjakavumbulwa n'ebyo bye baakawandiika bibeerewo mu maaso gaffe okukakasa obutuufu bw'ebyo bye twafuna. Era tulaba nti wadde abavvunuzi balwanagana, byo ebyawandiikibwa si bwe bikola.

Kati olaba nti okutaputa toyinza kukwesigamya ku magezi aga waggulu ago agaali ag'omuyizi w'olulimi Bayibuli mwe yawandiikirwa. Naye bw'oba nga tosobola kukiraba ekyo olw'okuba obulombolombo bwakusiba kantuntunu ekifaananyi kiiokino. Tewali ayinza kubuusabuusa nti Abawandiisi, Abafalisaayo n'abayizi b'omu mwaka 33 A.D baamanya ennono zennyini ez'olulimi n'amakulu gennyini ag'ebigambo Endagaano Enkadde mwe yawandiikibwa; naye olw'okumanya okw'ekitalo kwe baalina baasubwa Okubikkulirwa kw'Ekigambo kya Katonda okwayolesebwa mu Mwana. Awo Yalagibwa okuva mu Lubereberye okutuuka mu Malaki ng'essuula ezimu mu bulamba zoogera ku Ye n'obuweereza Bwe, era tebaamutegeerako n'akatono, okuggyako abatono abaamulisibwa Omwoyo.

Kati tutuuka ku nkomerero, ng'ebivuddemu bye bimu ng'ebyo bye tulabye mu Kigambo. Kasita tuba nga tukitwala nti okunoonya emizingo egisingayo obukadde n'obulungi okusobola okufuna amakulu g'Ekigambo agasingayo obulungi tetugenda kufuna makulu gaakyo matuufu nga tuyita mu kusoma n'okugeraageranya Ebyawandiikibwa, ka tube beesimbu kwenkana wa. KIRYETAAGISA OKUBIKKULIRWA OKUVA ERI KATONDA OKUKIGGYAYO. KY'EKO KYENNYINI PAWULO KYE YAYOGERA, "EBINTU EBYO NAFFE BYE TWOGERAKO, SI MU BIGAMBO EBIYIGIRIZIBWA AMAGEZI G'ABANTU WABULA OMWOYO OMUTUKUVU BY'AYIGIRIZA." 1Kol. 2:13. Okubikkulirwa okutuufu Ye Katonda nga yevvuunulira Ekigambo Kye mu kwoleka ekyo ekyasuubizibwa.

Kati omuntu yenna tabuzaabuzibwa olw'ekyo kye njogedde n'alowooza nti sikkiririza mu butereevu bwa Kigambo nga kati bwe tukirina. Nzikeriza nti Bayibuli eno ntuufu nnyo. Yesu Yakakasiza ddala Endagaano Enkadde ng'Ali wano ku nsi era yateekebwa wamu ng'Endagaano yaffe Empya. Togikolako nsobi, tulina leero Ekigambo kya Katonda ekitawakanyizibwa era tewali muntu yenganga kukitoolako oba kukyongerako. Naye twetaaga Omwoyo y'omu Eyakiwa Akituyigirize.

Oh, nga twetaaga okubikkulirwa ku bw'Omwoyo! Tetwetaaga Bayibuli mpesa, tetwetaaga kuvvuunulwa kupya, wadde ezimu nnungi nnyo, era siziwakanya, WABULA TWETAAGA OKUBIKKULIRWA KW'OMWOYO. Era Katonda yeebazibwe, tusobola okufuna kye twetaaga, kubanga Katonda ayagala atubikkulire Ekigambo kye ng'ayita mu Mwoyo We.

Leka Katonda, ng'Ayita mu Mwoyo we, atandike okutuwa okubikkulirwa okw'amaanyi era okuwa obulamu olubeerera. Oh kale singa ekkanisa efuna okubikkulirwa okupya ne kugiyamba okufuuka Ekigambo ekiramu ekyeyoleka, twandikoze emirimu egy'ekitalo ne tugulumiza Katonda Kitaffe ali mu Ggulu.

Okusumululwa Mu Kibi

Kubikkulirwa. 1:5,

"Eri Oyo Eyatwagala, n'Atunaaza okuva mu bibi byaffe n'omusaayi Gwe."

Ekigambo "kunaaza" ddala kiri "kusumululwa" — "yatusumulula okuva mu bibi byaffe n'omusaayi Gwe." Ekyo si kya kitalo? Naye okirowoolezza mu mwoyo? Okifunye? Gwali musaayi gwe gwe gwatusumulira ddala okuva mu bibi byaffe. Tegwali musaayi gwa muntu. Gwali musaayi gwa Katonda. Peetero yaguyita musaayi gwa Kristo. Pawulo yaguyita musaayi gwa Mukama, era omusaayi gwa Yesu. Si bantu basatu wabula omuntu OMU. Okubikkulirwa okwo kuukwo awo nate, Katonda OMU Yakuwa Katonda oyo omuyinza wa byonna yakka wansi ne yeekolera omubiri ng'Ayita mu kuzaala kw'omukazi embeerera n'Abeera mu ggwe, kale gusobole okuba omusaayi gwa Katonda okutufuula ab'eddeme (okutusumululira

ddala) okuva mu bibi byaffe atwereetere ffe ffennyini n'essanyu erituukiridde nga tetuliiko bbala mu maaso ge.

Mwagala ekifaananyi eky'Endagaano Enkadde? Tuddeyo mu Lusuku Adeni. Amawulire agaasooka bwe gajja nti omwana, Adamu yali abuze, Katonda yatu- ma malayika? Yatuma mwana? Yatuma omulala afaanana ng'omu ku ffe? Ned- da, Ye MWENE Ye Yajja okununula omwana oyo eyabula. Aleruuya! Katonda teyeesiga muntu mulala yenna n'entegeka Ye ey'obulokozi. Yeesiga Ye Yennyi- ni. Katonda Yayambala omubiri n'Abeera gye tuli n'Atununula ng'atweddiza gy'Ali Ye. Twalokolebwa "n'omusaayi gwa Katonda." Katonda Ataggwaawo Yabeera mu mubiri oguvunda okusobola okuggyawo ekibi. Yafuuka Omwana gw'Endiga okusobola okuyiwa omusaayi ayingire nagwo mu ggigi.

Lowooza ku kino. Okuva lwe guli omusaayi gwa Katonda, musaayi ogutuukiridde, era singa omusaayi ogutuukiridde gutusumulula mu maanyi g'ekibi, obusibe, n'obwonoonefu, olwo okusumululwa okwo kuba kujjuvu era okutuukiridde. N'olw'ekyo kaakati tewaliliwo musango.

"Ani aliroopa abalonde ba Katonda? Katonda Abawa obutuukiruvu (y'Atulangirira nti tuli batuukirivu). Ani alibasalira omusango? Kristo eyafa ..."

Bar. 8:33-34.

Kiikyo awo, okufa Kwe kwe kwatuwa omusaayi. Omusaayi gutusumuludde. Kati tewakyali musango. Guyinza gutya okubaawo? Tewali kintu kya kutuvunaanisa, kubanga omusaayi gutusumuludde okuva mu kibi. Tuli ba ddembe, tetulina musango. Towuliriza muntu, wuliriza Kigambo. Osumuluddwa n'omusaayi.

Kati tosibibwa bulombolombo, bikwate na bibiina. Tokyamizibwa olw'okuwuliriza abo abeegaana amaanyi g'Ekgambo ne beegaana ne Yesu Alokola, Awonya, era Ajjuza n'Omwoyo Omutukuvu n'amaanyi. Muli bantu ba Katonda ab'eddembe, abasumuluddwa n'omusaayi Gwe. Bw'oba ng'okukkiriza kwo okyakukwatidde ku bikwaate n'ebibiina by'amadiini kyeragira ddala Iwatu nti okukkiriza kwo mu Kigambo okusudde.

Bakabaka Era Bakabona

Kubikkulirwa. 1:6,

"Era n'Atufuula obwakabaka, bakabona eri Katonda Kitaawe; ekitiibwa n'obuyinza bibeere gy'Ali emirembe n'emirembe. Amiina."

"N'Atufuula!" Oh, waliwo amazima agamu ge twetaaga okuggumiza. Gano ge gamu ku go. YE! ATUFUDE! Obulokozi mulimu Gwe. Obulokozi bwa Mukama. Bwonna bwa Kisa. Yatununula Iwa kigendererwa. Yatugula Iwa kigendererwa. Tuli bakabaka, bakabaka mu mwoyo. Oh, tugenda kuba bakabaka awamu naye ku nsi bw'Alituula ku nnamulondo Ye. Naye kaakaati tuli bakabaka mu mwoyo era tufuga bwakabaka bwa mwoyo.

Mu Baruumi. 5:17 kigamba,

"Kuba obanga olw'okwonoona kw'omu okufa kwafuga ku bw'omu, okusinga ennyo abo abaweebwa ekisa ekisukkirira n'ekirabo eky'obutuukirivu balifugira mu bulamu ku bw'Oyo omu Yesu Kristo."

Ne mu Bakolosaayi. 1:13,

"Eyatulokola mu buyinza obw'ekizikiza, n'Atutwala mu bwakabaka obufuzi Obw'OMwana we omwagalwa."

Kaakano tufugira wamu ne Kristo, nga tufuga ekibi, ensi, omubiri ne setaani. Ng'Ayoleka ettendo Lye n'ekitiibwa Kye; nga Ye MWENE Yeeraga, kubanga kiri nti Kristo Ali mu ffe, ng'Akola by'Ayagala era ebirungi ebimusanyusa. Yee, ddala, na kati tutudde mu bifo by'omu ggulu mu Kristo Yesu.

"N'Atufuula bakabona." Yee, bakabona gy'Ali, nga bawaayo okuten- dereza mu mwoyo n'emimwa egitukuziddwa. Nga tutambuza obulamu bwaffe nga ssaddaaka ennamu gy'Ali. Okumusinza mu Mwoyo ne mu Mazima. Oku- saba n'okwegayiririra. Bakabona era bakabaka eri Katonda waffe. Y'ensonga Iwaki ensi tekwatagana naffe era tuli bantu abaawufu era abanyikivu eri ebikol- wa ebirungi. Twaddibwamu ne tutondebwa nate mu Ye okubeera ng'abaana eri Kitaffe.

Katonda Owookujja

Kubikkulirwa 1:7,

"Laba, Ajja n'ebire; era buli liiso lirimulaba, n'abo abaamufumita, n'ebika byonna eby'omu nsi birimukubira ebiwoobe. Weewaawo. Amiina."

Ajja. Yesu Ajja. Katonda Ajja. Nnabbi Ajja. Kabona era Kabaka Ajja. BYONNA mu BYONNA Ajja. Era

jjangu mangu; Mukama Yesu. Amiina.

Ajja. Ajjira mu bire, mu bire eby'ekitiibwa nga bwe Yalabibwa ku Lusozi Iw'Okuwaanyisibwa n'ebiyambalo Bye byali bimasamasa ng'amaanyi ga Katonda gamwetoolodde. Era BULI liiso lirimulaba. Ekyo kitegeeza nti kuno si kwe Kukwakkulibwa. Wano w'Ajjira okweddiza ekifo Kye ekituufu ng'Omufuzi w'Ensi. Wano abo abaamufumise nga bakozesa ebikwate byabwe n'enjigiriza zaabwe ez'amadiini we balikungubagira era abantu bona we balikubira ebiwoobe mu kutya okw'amaanyi olw'okuba Ye nga ky'Ekigambo.

Kuno kwe kubikkulirwa kw'ebyawandiikibwa mu Zekkaliya 12:9-14. Zekkaliya kino yakiragula emyaka 2500 egiyise. Kinaatera okutuukirira. Wuliriza.

"Awo olulituuka ku lunaku luli Ndinoonya okuzikiriza amawanga gonna agatabaala Yerusaalemi.

Era Ndifuka ku nnyumba ya Dawudi ne ku abo abali mu Yerusaalemi omwoyo ogw'ekisa n'ogwokwegayirira; era balintunuulira Nze gwe baafumita ,..."

Kati, Enjiri ekomawo ddi eri Abayudaaya? Ng'olunaku Iw'Abaamawanga Iuweddeko. Enjiri yeetegese okuddayo eri Abayudaaya. Oh, nandyagadde okubabuulira ku kintu ekinaatera okubeerawo mu nnaku zaffe zino. Ekintu kino eky'ekitalo ekinaatera okubeerawo kijja kweyongerayo okutuuka mu Kubikkulirwa 11 kiggyayo abajulirwa abo ababiri, bannabbi abo ababiri, Musa ne Eliya, nga bazzaayo Enjiri eri Abayudaaya. Ekyo tukyetegekedde. Buli kintu kiri mu nteeko. Abayudaaya nga bwe baaleeta obubaka eri Abaamawanga, bwe batyo n'Abayudaaya bajja kubizzaayo eri Abayudaaya, Okukwakkulibwa kujje.

Kati, jjukira bye tusomye mu Kubikkulirwa ne mu Zekkaliya. Bombi bajja ng'ekibonyoobonyo kyakaggwa. Ekkanisa y'Abasooka okuzaalibwa teyita mu kibonyoobonyo. Ekyo tukimanyi. Ekyo Bayibuli ekiyigiriza.

Mu kiseera ekyo kigamba nti Katonda Agenda kufuka Omwoyo We ku nnyumba ya Isiraeri. Omwoyo y'omu eyafukibwa ku Baamawanga mu lunaku Iwabwe. "Era balitunuulira nze gwe baafumita; era balimukubira ebiwoobe ng'omuntu bw'akubira ebiwoobe omwanawе omu yekka, era balimulumirwa omwoyo ng'omuntu bw'alumirwa omwanawе omubereberye. Ku lunaku luli balikuba ebiwoobe bingi mu Yerusaalemi ng'ebiwoobe bya Kadadulimmoni mu kiwonvu kya Megiddoni. Era ensi erikuba ebiwoobe buli kika kyokka; ekika eky'ennyumba ya Dawudi, kyokka n'abakazi baabwe bokka; ekika eky'ennyumba ya Nasani kyokka, ne bakazi baabwe bokka..." era buli nnyumba yokka bw'Alijja n'ebire eby'ekitiibwa mu Kujja Kwe okwookubiri. Abayudaaya abo abaamufumita balimulaba nga bwe kigamba mu Kyawandiikibwa ekirala, "ebiwundi ebyo wabijja Wa?" Aliddamu, "Mu nnyumba ya mikwano Gyange" Tekiriba kiseera kya kukungubaga mu Bayudaaya bokka abaamugaana, naye era ne mu Baamawanga abamugaanye ng'Omulokozi mu lunaku luno kiriba kiseera kya kukungubaga.

Walibeerawo ebiwoobe n'emiranga. Embeerera abasirusiru baliba mu kukaaba. Abo kye kifaananyi ky'ekkanisa abaagaana okufuna amafuta (akabonero ak'Omwoyo Omutukuvu) mu ttabaaza zaabwe (akabonero ak'omubiri oba ekibaamu amafuta) okutuusa obudde bwe bwayita. Tekyali nti tebaali bantu balungi. Baali mbeerera era ako kabonero akalaga enneeyisa ennungi ey'ekika ekya waggulu. Wabula tebaalina mafuta mu ttabaaza zaabwe kale baasuulibwa eyali ebiwoobe n'okuluma obujiji.

Kino kyonna ka tukigeraageranye ne Lubereberye essuula 45, Yusufu w'asisinkanira baganda be mu Misiri n'abeeyanjulira. Lub. 45:1-7, "Awo Yusufu n'alemwa okuzibiikiririza mu maaso g'abo bona abayimiridde okumpi naye; n'ayogerera waggulu nti Mufulumye buli muntu mu mmwe bave gye ndi. Ne wataba muntu ayimiridde naye, Yusufu bwe yeeyoleka eri baganda be. N'akaaba n'eddoboobi eddene. Abamisiri ne bawulira, n'ennyumba ya Falaawo n'ewulira. Yusufu n'agamba baganda be nti Nze Yusufu; kitange akyali mulamu? Baganda be ne batayinza kumuddamu kubanga beeraliikirira mu maaso ge. Yusufu n'agamba baganda be nti Munsemberere, mbeegayiridde. Ne basembera. N'ayogera nti Nze Yusufu muganda wammwe, gwe mwatunda e Misiri. Ne kaakano temunakuwala, so temwesunguwalira, kubanga mwantunda muno: kubanga Katonda ye yankulembeza mmwe okuwonya mu kufa. Enjala yaakamaze mu nsi emyaka ebiri, era ekyasigaddeo emyaka etaano, gye batagenda kulimiramu newankubadde okukungula. Era Katonda ye yankulembeza mmwe okubawonyeza abalisigala ku mmwe mu nsi, n'okubalokola muleme okufa mu kuwonya okw'ekitalo."

Kati ekyo tekituukagana bulungi na Zekkaliya 12? Byombi nga tubitadde wamu mu buli ngeri tujja kukifuna nga kituufu.

Yusufu bwe yali ng'akyali muto nnyo baganda be baamukyawa. Lwaki yakyayibwa baganda be? Lwakubanga yali wa Mwoyo. Yali tayinza kukyebeera kulaba kwolesebwa okwo wadde okuloota ebirooto ebyo n'abivvuunula. Ekyo kyali mu ye. Yali yali tasobola butayolesa ekyo ekyali mu ye. N'olw'ekyo, baganda be bwe baamukyawa tewaaliwo nsong. Wabula ye yali omwagalwa eri kitaawe. Kitaawe yali nnabbi era yategeera. Ekyo kireetera ddala ekifaananyi kya Kristo. Katonda Kitaffe Yayagala Omwana, naye ab'oluganda baamukyawa — (Abawandiisi n'Abaafalisaayo) kubanga Yali Asobola okuwonya

abalwadde, okukola ebyamagero n'Alagula eby'omu maaso, n'Alaba okwolesebwa era n'Akuvvuunula. Eyo teyali nsonga emukyayisa naye baakikola, era okufaananaako nga baganda ba Yusufu, baamukyayira bwereere.

Kati jjukira engeri abaana ba Yakobo abo gye baayisaamu Yusufu. Baamusuula mu kinnya. Baddira ekizibaawo kye ekyalimu langi ennyingi ne bakinnyika mu musaayi balowoozese kitaawe nti waaliwo ensolo eyamutta. Baamuguza abasuubuzi b'abaddu abaamutwala e Misiri eyo ate n'atundibwa eri omuduumizi. Omukyala w'omuduumizi yamusibisa bweereere, naye nga wayiseewo ekiseera obusobozibwe nga nnabbi bwamuleetera okumanyibwa Falaawo era n'akuzibwa okubeera ku mukono gwa ddyo ogwa Falaawo. Yaweebwa obuyinza ne wataba atuukirira Falaawo nga tasoose kuyita ku Yusufu.

Kati ka twetegereze obulamu bwa Yusufu ng'akyali mu Misiri, kubanga wano we tumulabira ng'ekifaananyi kyennyini ekya Kristo. Bwe yali mu nnyumba y'omuduumizi yawaayirizibwa, n'abonerezebwa era n'asibibwa awatali nsonga, okufaanana nga bwe baakola Yesu. Eyo mu kkomera yavvuunula ekirooto ky'omusenero n'omufumbiro abaali abasibe awamu naye. Omusenero yalama ate oli n'asalirwa ogw'okufa. Kristo Yasibibwa ku musaalaba, n'Alekebwba Katonda n'omuntu. Ku njuyi ze zombi waaliyo ababbi — omu n'afa, mu mwoyo, naye omulala n'aweebwa obulamu. Era laba, Yesu bwe yaggyibwa ku musaalaba, yagulumizibwa n'Atwalibwa mu ggulu era kati atudde ku mukono ogwa ddyo ogw'Omwoyo wa Yakuwa ow'ekitalo; era tewali muntu ayinza kugenda eri Katonda okuggyako ng'ayita mu Ye. Waliwo omutabaganya OMU wakati wa Katonda n'abantu, era Oyo Ye yekka gwe weetaaga. Tewaliwo ba Malyamu ova abatukuvu, Yesu Yekka.

Nga tugenda mu maaso n'ekifaananyi kino kye tulaba mu Yusufu, laba engeri buli kintu kye yakola e Misiri bwe kyakulaakulana. Omulimu gwe ogwasooka n'omuduumizi gwakulaakulana. N'ekkomera Iyakulaakulana. Yesu bw'Alikomawo, eddungu lirisansula ng'ekimuli kya looza. Ye "Mwana w'Okukulaakulana." Nga bwe watali mulembe gwakulaakulana ng'ogwo mu bisseera bya Yusufu, kale waliwo eky'omukisa omunene ekija ku nsi, ensi ky'etamanyangako. Tusobola buli kinnoomu ku ffe okutuula wansi w'omuzabbibu gwaffe ne tusanyuka ne tuseka ne tubeera balamu emirembe n'emirembe waali. Waali waliwo essanyu erijjuvu era ne ku mukono Gwe ogwa ddyo waliwo ebijaguzo emirembe n'emirembe. Katonda Atenderezebwe.

Kati laba nti buli Yusufu we yagenda baafuuwanga ekkondeere nga balanga okutuuka kwe. Abantu baaleekaananga. "Muvunnamye amaviivi gammwe eri Yusufu!" Si nsonga omuntu ne bwe yabanga akola ki, ekkondeere eryo bwe lyavuganga yavunnamanga evviivi lye. Oba oli awo yalinga alina ky'atunda ku luguudo, nga bamukwasa sente ze, naye yalinanga okusooka okukireka n'avunnamya evviivi lye ekkondeere nga livuze. Wadde yalinga muzannyi wa katemba yalinanga okuyimiriza kye yali akola avunnamye evviivi lye eri Yusufu ekkondeere bwe lyalanganga nti Yusufu waali. Era olumu ku nnaku zino buli kintu mu kiseera kino kigenda kuyimirira ekkondeere lya Katonda bwe lirivuga, n'abafu mu Kristo be balisooka okuzuukira obudde bukye obulungi era obutangaavu obutalikoma. Olwo buli kintu kirivunnamya evviivi, kubanga kyawandiikibwa,

"Era Katonda kye Yava Amugulumiza ennyo n'Amuwa Erinnya liri erisinga amannya gonna;
buli vviivi lifukaamirirenga Erinnya lya Yesu ery'ebi'omu ggulu n'ebi'oku nsi n'ebya wansi w'ens;;,
era buli lulimi Iwatulenga nga Yesu Kristo ye Mukama, Katonda Kitaffe Aweebwe ekitiibwa."
Abafiripi 2:9-11.

Naye laba ate okubikkulirwa okulala okw'ekitiibwa mu kifaananyi kya Yusufu kino. Yusufu, ng'ali e Misiri, yaweebwa omugole ow'omu b'Amawanga era okuyita mu oyo yafuna amaka omwali abaana babiri ab'obulenzi, Efulayimu ne Manase. Yusufu yasaba kitaawe awe emikisa batabani be ababiri. Yabateeka mu maaso ga Yakobo Manase omubereberye abeere ku mukono gwa Yakobo ogwa ddyo Efulayimu abeere ku gwa kkono. Yakobo bwe yali ng'anaatera okubawa emikisa yawaanyisa emikono gye ogwa ddyo ne gubeera ku muto. Yusufu yaleekaana, "Taata, si bwe kityo, ono ye mubereberye akuli ku ddyo." Naye Yakobo n'agamba, "Katonda y'Awaanyisizza emikono gyange." Wano mu kifaananyi tulaba nti omukisa ogwali ogw'omubereberye (Omuyudaaya) gwaweebwa omuto (ow'Amawanga) okuyita mu musaalaba (emikono emiwaanyise) gwa Mukama Yesu Kristo. Omukisa guyita mu musaalaba okujja. Abaggalatiya. 3:13-14, "Kristo Yatununula mu kikolimo ky'amateeka bwe Yafuuka ekikolimo ku Iwaffe kubanga kyawandiikibwa nti Akolimiddwa buli awanikiddwa ku muti; omukisa gwa Ibulayimu gulyoke gutuuke eri ab'amawanga mu Kristo Yesu tulyoke tuweebwe ekyasuubizibwa Eky'Omwoyo olw'okukkiriza." Omukisa gwa Ibulayimu gwajjira mu musaalaba eri Ab'amawanga. Abayudaaya baagaana omusaalaba; n'olwekyo Yesu Yafuna Omugole w'omu b'Amawanga.

Kati ka tuddeyo ku bikwata ku Yusufu ng'asisinkana baganda be. Mujukira nti baganda be bajja naye si bona. Yusufu yamanya era n'anyigiriza nti baganda be bona balabike mu maaso ge ova si ekyo yali tagenda kubeyyanjulira. Ku nkomerero baaleeta eyali asigaddeyo akalenzi ka Benyamini. Ka Benyamini, kaganda ka Yusufu kennyini ke kaleetera emmeeme ya Yusufu okwaka omuliro. Naffe Yusufu waffe oyo

Yesu, bw'Alijja eri abantu Be abakuumye ebiragiro bya Katonda era abazzeeyo mu nsi Entukuvu (Palestina), emmeeme ye egenda kukoleera omuliro. Ka Benyamini kifaananyi ky'Abayisiraeri 144,000 okuva mu nsi yonna abazzeeyo mu nsi Entukuvu olw'okununulibwa kwabwe. Bagenda kuba eyo nga bayimiridde bamulindirira, ng'Oyo okumumanya mu ngeri entuufu bwe Bulamu obutaggwaawo. Baligamba, "Ono ye Katonda waffe Gwe tulindiridde." Olwo bamulabe oyo Gwe baafumita. Era balikuba emiranga, "Ebiwundu bino ebitatunuulikikako byava wa? Kyajja kitya?" Era balikuba ebiwoobe n'emiranga, buli nnyumba yokka, buli muntu yekka mu nnyiike era mu nnaku.

Kati olwo ekkansa y'Abaamawanga eribeera wa Yesu nga yeeyanjulira baganda Be? Jjukira nti omugole wa Yusufu n'abaana be ababiri baali mu lubiri kubanga Yusufu yali alagidde, "Buli muntu ave wendi; bona mubaggyeewo mu maaso gange." Kale omugole w'Abaamawanga yali akwekedwa mu lubiri lwa Yusufu. Ekkansa y'Abaamawanga eribeera wa mu kiseera eky'okukwakkulibwa? Mu lubiri. Omugole aliggibwa ku nsi. Agenda kutwalibwa ng'ekibonyobonyo eky'ekitalo tekinnabaawo asisinkane Mukamaawe mu bbanga. Okumala ebbanga lya myaka esatu n'ekitundu nga mu kiseera ekyo obusungu bwa Katonda obw'okwesasuza buliba buyiika, alibeera ku Kyeggulo ky'Embaga y'Obugole ey'Omwana gw'Endiga. Olwo Alikomawo, nga omugole we Amulese mu "nnyumba ya Kitaawe", nga awo Yeeyanjulira baganda Be. Mu kiseera kino kyennyini endagaano y'omulabe wa Kristo Abayudaaya gye bakoze ne Rooma egenda kumenyebwa. Rooma ne banywanyi be olwo basindike amagye gaabwe okuzikiriza abo bona abatya Katonda, Abayudaaya abatambulira ku Kigambo.

Naye bwe baliba basemberera ekibuga okukizikiriza, mu ggulu walirabikirayo akabonero k'okujja kw'Omwana w'Omuntu n'amagye Ge ag'amaanyi okuzikiriza abo ababadde bazikiriza ensi. Ng'omulabe awanguddwa, Yesu olwo Ajja ne Yeewaayo eri 144,000. Nga bamaze okulaba ebikolwa Bye eby'amaanyi g'obulokozi, baliba bategedde amaanyi Ge. Naye era n'okulaba ebiwundu Bye n'okumanya nti baali bamugaanye n'okutuusa mu kiseera ekyo kiribaleetera okukaaba n'okwaziirana n'okutya, nga baganda baabwe ab'edda bwe baakola bwe baayimirira mu maaso ga Yusufu, nga beeraliikirira nti baali bagenda kuttibwa. Naye nga Yusufu bwe yagamba, "Temwesunguwalira. Tewali mutawaana. Katonda byonna Yabirimu. Yakikola lwa kukuuma bulamu." Era ne Yesu bw'Atyo bw'Alyogera emirembe n'okwagala gye bali.

Lwaki Abayudaaya baagaana Yesu? Byonna Katonda Yabirimu. Y'engeri Yokka gye Yali asobola okuggyayo omugole mu b'Amawanga. Yafiira ku musaalaba okusobola okukuma obulamu bw'Ekkansa y'Ab'amawanga

Kati bano 144,000 tebali mu mugole. Mu Kubikkulirwa. 14:4 bayitibwa mbeerera era bagoberera Omwana gw'Endiga buli w'Alaga. Nga bwe kiri nti tebeeyonoona na bakazi ekyo kiraga nti balaawe (Matayo 19:12). Abalaawe be baakuumanga ennyumba z'abagole. Baali bawereera. Kimanye nti bo tebatuula mu nnamulondo wabula bali mu maaso gaayo. Nedda, tebali mu mugole, naye balibeera mu bufuzi obw'emyaka olukumi obw'ekitiibwa.

Kale olwo tulaba nga bano Abayisiraeri abasembayo bagattiddwa ku Mukama mu kwagala, n'omulabe ng'azikiriziddwa, Katonda Alitegeka olusozi lwe olutukuvu, Olusuku lwe Adeni ng'Abitegekera omugole we n'abamuweereza nga be bamu abo abaweereza n'omugole babeere mu kiwummulo okumala emyaka lukumi ku nsi. Nga Adamu ne Kaawa bwe baali mu lusuku ne batamalaayo myaka lukumi, kati Yesu, Adamu waffe Asembayo, ne Kaawa We (Ekkansa Entuufu) balituukiriza enteekateeka ya Katonda yonna.

Oh, ebya Bayibuli nga biddamu okubeerawo. Ebyafaayo bya Yusufu ne baganda be binaatera okuddamu nate okubeerawo, kubanga Yesu Ajja mangu.

Era nga bwe tuva ku kifaananyi kya Yusufu wasigaddeyo ekintu kimu ekikwata ku kiseera kino ekisembayo kye njagala mumanye. Mujjukira nga Yusufu bwe yayimirira mu maaso ga baganda be nga Benyamini tali nabo yayogera ng'ayita mu muvvuunuzi wadde yali amanyi bulungi olulimi Olwebbulaniya. Yayogera ne baganda be mu lulimi olulala. Mukimanyi nti Omulemba gw'Abaamawanga ogwasooka (omutwe ogwa zaabu, Omulemba gwa Babulooni) gwaggwaako na bubaka mu nnimi ezaawandiikibwa ku kisenge? Omulemba guno gugenda kuggwaako mu ngeri y'emu. Obungi bw'ennimi mu nnaku zino bwe bukakafu obulala obulaga nti Ebiro by'Abaamawanga biweddeko era Katonda Akyuka okudda eri Abayisiraeri.

Ajja mangu. Alufa era Omega, Nnabbi, Kabona era Kabaka, Byonna mu Byonna, Mukama Katonda ow'Eggye Ajja mangu. Weewaawo Mukama Yesu, Oyo Omu Katonda Omuuufu Yekka, jjangu mangu!



www.messagehub.info

Byabuulirwa

William Marrion Branham

"...mu nnaku z'eddoboozi..." Kub. 10:7